

千金要方

卷六十七之七十四
發背 癰疽 痔漏 解毒



孫真人備急千金要方卷之六十七

仁七

宋朝奉郎守太常少卿充秘閣校理林億等校正

發背第三

論一首方十五首

論曰凡發背皆因服食五石寒食更生散所致亦有單服鍾乳而發者此是上代有服之者其候率多於背兩胛間起初如粟米大或痛或癢仍作赤色人皆初不以為事日漸長大不過十日遂至於死其臨困之時已濶三寸高一寸瘡有數十孔以手按之諸孔中皆膿出尋時失音所以養生者小覺背上癢痛有異即火急取淨土水和如泥捻作餅子厚二分闊一寸半以粗艾大作炷灸泥餅上帖著瘡上灸之一炷一易餅子若粟米大時可灸七餅子即差如榆莢大灸七七餅炷即差如錢大可日

夜灸之不限炷數仍服五香連翹湯及鐵漿諸藥攻之乃愈又
法諸發背未作大膿可以冷水射之浸石令冷熨之日夜莫住
差乃止此病忌麪酒五辛等亦有當兩肩上發者

凡服石人皆須勞役四體無令自安如其不爾者多有發動亦
不得遂便恣意取暖稱已適情必須遺欲以取寒凍雖當時不
寧於後在身多有所益終無發動之慮耳

凡腫起背胛間頭白如黍粟四邊相連腫赤黑令人悶亂即名
發背也禁房室酒肉蒜麪若不多灸治即入內殺人若灸當瘡上
七八百壯有人不識多作雜腫治者皆死

治發背及癰腫已潰未潰方

右用香豉三升少與水和熟搗成強泥依腫作餅子厚三分

已上有孔勿覆孔上布豉餅以艾列其上灸之使溫溫而熱
勿令破肉如熱痛即急易之患當減快得安穩一日二度灸
之如先有瘡孔孔中得汁出即瘥

治癰疽發背已潰未潰及諸毒腫方

枯薑根

榆白皮

胡燕窠

鼠屎土

右四味各等分爲末以女人月經衣水洗取汁和如泥封腫
上乾即易潰者四面封之已覺即封從一日至五日令瘥

治發背背上初欲結腫方

大黃

升麻

黃芩

甘草

各參兩

梔子參茶

右五味以水九升煮取三升分三服取快利便止不利

小丘山房

喬氏世定刻行

更進

內補散治癰疽發背已潰排膿生肉方

當歸

桂心各貳兩

人參

芎藭

厚朴

防風

甘草

白芷

桔梗各壹兩

右九味治下節酒服方寸七日三夜二未瘥更服勿絕外臺無防

風甘草白

又方治癰疽發背方

蜀椒

乾薑

黃芩

人參各貳分

桂心壹分

小豆壹合

白欬

甘草

附子

防風各壹兩

芎藭貳兩

右十一味治下節酒服方寸七日三夜二

李根皮散治癰疽發背及小小瘰癧方

李根皮升

桔萋根

半夏各伍兩

通草

白欬一

桔梗

厚朴

黃芩

附子各壹兩

甘草

當歸各貳兩

葛根參兩

桂心

芍藥各肆兩

芎藭陸兩

右十五味治下節酒服方寸七日三瘡大困者夜再服之曾

有人患骨從瘡中出兼有三十餘癰癩服此散瘥

大內塞排膿散治發背癰腫經年瘥後復發此因大風或結氣

在內經脉閉塞至夏月已來出攻於背久不治積聚作膿血為

瘡內漏方

小丘山房

香氏世定刻行

山茱萸

五味子

茯苓

乾薑各陸

甘草

石斛

人參

桂心

芍藥各伍

巴戟天

麥門冬

乾地黄

菝葜

遠志各捌

當歸

石膏

芎藭各肆

附子貳

地膽

菟絲子叁

右二十味治下篩酒服方寸匕日三夜一稍加之長服終身

不患癰癩

治發背方

右用亂髮灰酒服方寸匕亦治瘰疽

又方猪脂傳上日四五度亦治發乳救急方云取猪羊脂切作片冷水浸帖上暖易之伍

陸拾片瘡若初帖火許即寒寒定好眠甚效

又方三年醋滓微火煎令稠和牛脂傳上

又方猪狗牙燒灰醋和傳上日三四易

又方燒古蚌灰雞子白和傳之日三易

又方飲鐵漿二升取利

又方蛇頭灰醋和傳之日三易

又方燒鹿角灰醋和傳之日四五易

丹毒第四論一首

論曰丹毒一名天火肉中忽有赤如丹塗之色大者如手掌甚者徧身有癢有腫無定色有白丹者肉中腫起癢而復痛微虛腫如吹狀隱軫起也有雞冠丹者赤色而起大者如連錢小者如麻豆粒狀肉上粟粟如雞冠肌理也一名茱萸丹有水丹者由遍體熱起遇水濕搏之結丹晃晃黃赤色如有水在皮中喜著肢及陰處此雖小疾不治令人至死治之皆用

升麻膏方

升麻

白薇

肘後作白敏

漏蘆

連翹

砒硝

黃芩

各貳兩

蛇蛻

枳實

各三兩

蒴藿

梔子

肆拾

小丘山房

喬氏世定刻行

右十味微搗碎以水三升浸半日以猪膏五升煎令水氣盡去滓膏成傳上諸丹皆用之及熱瘡腫上日三經以錄無積實以治諸毒腫

升麻湯治丹毒方

升麻

漏蘆

砒硝各貳

黃芩三兩

蒟蒻伍兩

梔子貳拾枚

右六味以水一斗浸良久煮取七升冷以故帛染汁搗

諸丹毒上常令濕搗後須服飲子并漏蘆湯方並見前癰腫

條中服之立瘡小品用治丹毒腫

單方

水荅

生蛇脣

生地黄

生松菜

蒟蒻葉

慎火草

五葉藤

豆葉

浮萍

已上取一味單搗塗之

大黃

梔子

黃芩

砒硝

已上取一味下水和用

右十三味或搗成末單用一味立瘡

又方凡天下極冷無過藻菜最冷但有患熱毒腫并丹等取渠中藻菜細切熟搗傳之厚三分乾即易

治諸丹神驗方

右以芸薹菜熟搗厚封之隨手即消如餘熱氣未愈但三日內封之使醒醒好瘡止縱乾亦封之勿歇以絕本余以正觀

七年三月八日於內江縣飲多至夜睡中覺四體骨肉疼痛
比至曉頭痛目眩額左角上如彈丸大腫痛不得手近至午
時至於右角至夜諸處皆到其眼遂閉合不得開幾至殞斃
縣令周公以種種藥治不瘥經七日余自處此方其驗如神
故疏之以傳來世云耳

治五色油丹方

俗名油腫若犯者
多致死不可輕之

右縛母猪枕頭臥甚良

又方牛屎塗之乾即易

治赤流腫丹毒方

右取榆根白皮爲末雞子白和傳之

千金翼又用雞子
白和蒲蓆衣傳

又方擣大麻子水和傳之

又方以煎羊脂摩之得青羊脂最良

集驗方云治人面目身體
赤黑丹起如疥狀不治

日劇
即殺人

治小兒丹毒方

右擣馬齒莧一握取汁飲之以滓傳其上

又方擣赤小豆五合水和取汁飲一合良以滓塗五心

又方濃煮大豆汁塗之良瘡後亦無痕痕

又方臘月猪脂和釜下土傳之乾即易

治小兒五色丹方

右用猪槽下爛泥傳之乾則易

集驗方治赤
黑丹

又方擣鞠藁葉傳之

又方服黃龍湯二合并傳患上佳

小丘山房

喬氏世定刻行

治小兒白丹方

右用燒猪屎灰雞子白和傳之良

治小兒赤丹方

右擣芸薹葉汁服三合滓傳上良千金翼云芸薹末以雞子白和塗之

治小兒赤丹斑駁者方

右以唾和胡粉從外向內傳之

又方鍛鐵屎以猪脂和傳之

又方屋塵以臘月猪脂和傳之

治小兒火丹赤如朱走皮中方

右以醋和豉研傳之

又方鯉魚血傳之良

又方擣荏子傳之良

又方猪屎水和絞取汁服少許良

治小兒天火毒肉中有赤如丹色大者如手甚者徧身或痛或

癢或腫方

右用赤小豆貳升為末雞子白和如薄泥傳之乾則易便瘡

一切丹並用此方皆瘡

又方生麻油塗之

治小兒骨火丹其瘡見骨方

右擣大小蒜厚封之著足踝者是

治小兒殃火丹毒著兩脅及腋下者方

右用伏龍肝為末油和傳之乾則易若入腹及陰以慎火草

取汁服之

治小兒尿竈丹初從兩股起及臍間走入陰頭皆赤色者方

右切桑白皮二升以水二升煮取汁浴之良

又方燒李根為灰以田中流水和傳之良

治小兒朱田火丹病一日一夜即成瘡先從背起漸至徧身如

棗大正赤色者方

右用濃煮棘根汁洗之已成瘡者赤小豆末傳之未成瘡者

雞子白和小豆末以傳凡方中用雞子者皆取先破者用之

完者無力

治小兒天竈火丹病從髀間起小兒未滿百日犯行路憲居若

熱流下令陰頭赤腫血出方

右用伏龍肝搗末雞子白和傳之日三良

又方鯽魚肉合赤小豆末合

右二味和搗少水和傳之良

治小兒野火丹病徧身皆赤者方

右用油塗之

治小兒茱萸丹病初從背起徧身如細鱗一宿成瘡者方

右用赤小豆為末以粉之如未成瘡者雞子白和以傳之

治小兒癩竈火丹初從足趺起正赤色者方

右以棗根煮汁沐浴五六度

隱軫第五 論一首 方二十九首

論曰素問云風邪客於肌中則肌虛氣發散又被寒搏皮膚外發腠理開毫毛淫氣妄行之則為癢也所以有風軫搔癢皆由於此又有赤軫者忽起如蚊蚋啄煩癢極者重沓壘起搔之逐手起又有白軫者亦如此赤軫熱時即發冷即止白軫天陰冷即發白軫宜煮礬石汁拭之或煮蒴藿和少酒以浴之良氏姓亦治或煮石南汁拭之良餘一切如治丹方法俗呼為風屎亦名風尸

石南湯治六十四種風淫液走人皮中如蟲行腰脊強直五緩六急手足拘攣隱軫搔之作瘡風尸身癢卒面目腫起手不得上頭口噤不能言方此方但是隱軫宜服之羞方見前風誌篇

小丘山房 喬氏世定刻行

治風痿隱軫心迷悶亂方

天雄

牛膝

桂心

知母各四

栝蒌根

白朮各伍

防風陸

人參各二

乾薑

細辛各三

右十味治下節酒服半錢七加至一七為度

又方巴豆二兩以水七升煮取三升故帛染汁拭之大人小兒

以意加減

又方礬石二兩為末酒三升漬令消帛染拭病上

又方吳茱萸一升酒五升煮取一升半帛染拭病上

治搔癢皮中風虛方

枳實叁升

松葉切一

獨活

從蓉

黃耆

秦艽各肆

丹參

蒟蒻各伍

右八味以酒二斗浸六宿每服二合日二稍加之

治風痿隱軫方

白朮三兩

戎鹽

礬石各半兩

黃連

黃芩

細辛

芎藭

茵芋各一兩

右八味以漿水一斗煮取三升洗之日三良

又方馬蘭子

蒟蒻

礬石

茺蔚子

蒺藜子

茵芋

羊桃

篇竹各貳兩

右八味以漿水二斗煮取一斗二升內礬石洗之日三

又方蒟蒻

防風

羊桃

石南

茵芋

芫花

蒺藜

礬石各壹兩

小丘山房

喬氏世定刻行

右八味吹咀以漿水一斗煮取五升去滓內礬石令小沸温浴之

又方蛇牀子升二 防風兩二 生蒺藜兩二

右三味吹咀以水一斗煮取五升拭病上日三五遍

又方酪和鹽熟煮摩之隨手即消良

又方石灰淋取汁洗之良

又方白芷根葉煮汁洗之

又方大豆三升酒六升煮四五沸每服一盞日三

又方牛膝為末酒下方寸匕日三并治骨疽癩病及痞瘤

又方芥子末漿服方寸匕日三

又方白朮末酒服方寸匕日三

治隱軫癢痛方

大黃 升麻 黃蘗 當歸

防風 芍藥 黃芩 青木香

甘草各二兩 楓香五兩 砒石一兩 地黃汁一升

右十二味吹咀以水一斗煮取三升半去滓下苦消令消帛

染搨病上一炊久日四五度

治舉體癢痛如蟲齧癢而搔之皮便脫落作瘡方

蒺藜子升三 蛇牀子 荒蔚子各二升 防風兩五

大戟斤一 大黃兩二 礬石兩三

右七味吹咀酒四升水七升煮取四升去滓內礬石以帛染

拭之

又方灸曲池二穴小兒隨年壯發即灸之神良

治風瘙腫瘡癢在頭面搨洗方

大黃

砒硝各四分

莽草貳分一作甘草三兩黃連分陸

黃芩分八

蒺藜子合伍

右六味吹咀以水七升煮取三升去滓下消以帛染搨洗日

一度勿近日

治身體赤隱軫而癢搔之隨手腫起方

莽草分二

當歸

芍藥

大戟

細辛

芍藥

芫花

蜀椒

附子

躑躅各肆分

猪膏二升半

右取十味吹咀以酒漬一宿猪膏煎之候附子色黃膏成去

滓以傳病上日三

青羊脂膏治風熱赤軫搔之逐手作瘡方

青羊脂肆兩

甘草

芍藥各參兩

寒水石

白芷

白芨

黃芩

防風

黃耆

升麻各肆分

竹葉切

石膏各壹斤

右十二味吹咀先以水八升煮石膏竹葉取四升去滓浸諸

藥以不中水猪脂二升合煎膏成傳病上良

治隱軫百療不瘥者方

右用景天一斤一名慎火草細搗取汁傳上熱灸手摩之再

三度瘥

又方芒消八兩水一斗煮取四升適寒温綿染拭之

又方黃連切

芒消各伍兩

右二味以水六升煮取半去滓洗之日四五度

治暴氣在表攻皮上隱軫作瘡方

右煮槐枝葉洗之

治小兒患隱軫入腹體腫強而香乾方

右用蕪菁子為末酒服方寸七日三

又方蠶沙二升水二升煮去滓洗之良

又方車前子為末粉之良

又方鹽湯洗了以蓼子授傳之

孫真人千金要方卷之六十七

孫真人備急千金要方卷之六十八

癰疽第六論一首方十五條

論曰癰疽者肉中忽生點子如豆粒小者如黍粟極者如梅李或赤或黑或青或白其狀不定有根不浮腫痛傷之應心根深至肌經久便四面悉腫炮黯熟紫黑色能爛壞筋骨若毒散逐脉至臟殺人南人名為塌著毒厚肉處即割去之亦燒鉄烙之令焦如炭或灸百壯或飲葵根汁或飲藍青汁若犀角汁及升麻汁竹瀝黃龍湯等諸軍方治專去其熱取瘥其病喜著十指故與代指相似人不識之呼作代指不急之亦逐脉上入臟殺人南方人得之皆斬去其指初指頭先作黯疱後始腫赤黑黯疼痛人心是也代指者先腫痲熱痛色不黯緣瓜甲邊結膿劇者瓜皆脫落此

謂之代指病也但得一物冷藥汁搗漬之佳若熱盛服漏蘆湯及搗漬之傳升麻膏亦可針去血不妨洗清塗膏也復有惡肉病者身上忽有肉如赤豆粒突出便推出如牛馬乳上如雞冠狀不治自長出不止亦不痛癢此由春冬時受惡風入肌脉中變成此疾治之宜服漏蘆湯外燒鉄烙之日日為之令焦盡即以升麻膏傳上積日乃瘥

又有赤脉病者身上忽有赤脉絡起龍聳如死蚯蚓之狀視之如有水在脉中長短皆逐脉所處此由春冬受惡風入絡脉中其血肉瘀所作也宜五香連翹湯及竹瀝等治之刺去其血仍傳丹參膏亦用白雞屎塗之良

惡核病者肉中忽有核累上如梅李核小者如豆粒皮肉癢痛

壯熱癩索惡寒是也與諸瘡根癰癰結筋相似其瘡根癰癰因瘡而生是緩無毒惡核病卒然而起有毒若不治入腹煩悶殺人皆由冬月受溫風至春夏有暴寒相搏氣結成此毒也但服五香湯主之又以小豆末傳之亦煮湯漬時時洗之消後以丹參膏傳之令餘核盡消凡惡核初似被射公毒無常定處多惻惻然痛或時不痛人不痛者便不憂不憂則救遲救遲即殺人是宜早防之尤忌魚雞猪牛馬驢等肉其疾初如粟米或似麻子在肉裏而堅似炮長甚速初得多惡寒須臾即短氣取吳茱萸五合作末水一升和之絞取汁頓服以滓傳上須臾服此汁令毒散止即不入腹也入腹則致禍矣切慎之

凡癩病喜發四肢其狀赤脉起如編繩急痛壯熱其發於脚喜

從臄起至踝亦如編繩故云癩病也發於腎喜者臄之下皆由
久勞熱氣盛爲濕涼所折氣結筋中成此病也若不即治其久
潰膿亦令人筋攣縮也若不消潰其熱氣不散多作躄病漏蘆
湯主之瀉後鋒針數針去惡血氣針瀉其根核上傳小豆末取
消爲度又用治丹法治之亦用治癰三味甘草散傳之若潰傳
膏散如癰法

惡核癩病癰疽等多起嶺表中土甚有南方人所食雜類繁多
感病亦復不一仕人往彼深須預防防之無法必遭其毒惟須
五香湯小豆散吳茱萸皆其要藥

凡附骨疽者以其無破外臺作故附骨成膿故名附骨疽喜著大節
解中丈夫產婦喜著臄中小兒亦著脊背大人急著者先覺痛

不得動搖按之應骨痛經日便覺皮肉漸急洪腫如肥狀是也
小兒纒手近便六腑呼即是肢節有痛候也大人緩者者先覺
肌烘烘然經日便覺痛痺不隨小兒四肢不能動搖亦如不隨
狀看肢節解中若有崩烘烘處不知是附骨疽令徧身或腫不
至潰體皆有青黯大人亦有不別呼爲賊風風腫不知是疽也
凡人身體患熱當風取涼風入骨解中風熱相搏便成附骨疽
其候嗜眠沈重忽忽耳鳴又秋夏露卧爲冷所折風熱伏結而
作此疾急者熱多風少緩者風多熱少小兒未知取風冷何故
而有此疾由其血盛肌嫩爲風折之即使凝結故也凡初得附
骨疽即須急服漏蘆湯下之傳小豆散得消可服五香連翹湯
方見癰疽條中

凡賊風其人體卒無熱中暴風冷即骨解深痛不廢轉動按之應骨痛久即結痛或結癰癰其附骨疽久即腫而結膿以此爲異宜若治附骨作賊風則增益病深膿多若治賊風作附骨即加風冷遂成癰癰偏枯孿曲之疾也療之之效皆在善始耳此非天下至精其孰能與於此若候附骨與賊風爲異者附骨之始未腫但痛而已其賊風但痛不熱附骨則其上壯熱四體乍寒乍熱小便赤大便澀而無汗若得下却熱并開發腠理便得消也縱不消盡亦得浮淺近外凡賊風但夜痛骨不可按抑不得回轉痛處不壯熱亦不乍寒乍熱多覺身體索索然冷欲得熱熨痛處即小寬時復有汗出此爲賊風證也宜針灸熨燂諸服治風藥即愈方見風條中

又有風熱毒相搏爲腫其狀先腫上生瘰癧如火灼處名曰風熱毒治之一如丹法

又有洪燭瘡身上忽生瘰癧如沸湯灑劇者徧頭面亦有胷脇腰腹腫緩通體如火湯灼瘰起者是也治之法急服漏蘆湯下之外以升麻膏傳之其間傳升麻膏若無效一依傳丹方

凡熱瘡起便生白膿黃爛瘡起即淺但出黃汁名肥瘡

浸淫瘡者淺搔之蔓延長不止搔癢者初如疥搔之轉生汁相連著是也

癩瘡者初作亦如肥瘡一著手足常相對生隨月生死痛癢圻裂春夏秋冬隨瘡劇者是也

有久癰餘瘡敗爲深疽者在膈脛間一生瘡中水惡露寒凍不

瘡經年成骨疽亦名疔瘡深爛青黑四邊堅疆中央膿血汁出
 百藥不瘥汁潰好肉處皆虛腫亦有碎骨出者可溫赤龍皮湯
 漬方見七十卷腸癰篇夏月日日洗冬月四日一洗青肉多可傳白藺茹
 散食去惡肉可三日傳之止後長傳家猪屎散得瘥止取猪屎
 燒灰作末如粉致瘡中令滿白汁出吮去隨更傳之瘥止若更
 青肉復著白藺茹散如前法家猪屎散取平復凡骨疽百瘥不
 瘥者可瘡上以次灸之三日三夜便瘥如瘡不瘥而復發骨
 從孔中出者名爲骨疽取先死烏雌雞一隻去肉取骨熬焦如
 炭取三家牛楛木刮取屑三家甌箆各一兩皆燒成炭合導瘡
 中碎骨當出數片瘥
 治療疽秘方

射干

甘草

枳實

升麻

乾地黄

黃芩各二兩

麝香分二

前胡分三

犀角分陸

大黃分拾

右十味咬咀以水九升煮取三升下大黃一沸去滓內麝分

三服瘥止不限劑數此方世所不傳神良無比外一無黃芩云翼深師加

黃白薇枳實升麻松葉

治療疽諸疽十指頭焮赤癢痛方千金翼名猪蹄湯

白芷

大黃

芎藭

黃芩

黃連

甘草

細辛

藁本

當歸

藜蘆

莽草各一兩

右十一味咬咀以水二斗先煮猪蹄一具取一斗煮藥取伍

小丘山房

喬氏世定刻行

升浸瘡即瘥

治癩疽浸淫多汁日漸大方

黃連二兩

胡粉

甘草

簡茹各二

右四味治下篩以粉瘡上日三四度

治癩疽著手足有背累累如米起色白刮之汁出瘥後復發方

黃耆分陸

升麻分肆

款冬花分二

附子

苦參無范注

赤小豆各一分

右六味治下篩酒服方寸匕稍加日三服

又方虎屎白者以馬屎和曝乾燒為灰粉之良

又方青木香

滑石

龍骨三兩

胡粉兩一

米粉升一

右五味為末稍以粉病上日三

又方竈屋塵

竈突墨

釜下土各一升

右三味合研令勻以水一斗煮三沸取汁洗日三四度

治癩疽著手足有背忽發累累如赤豆剝之汁出者方

鯽魚長三寸者

亂髮雞子大

猪脂升一

右三味煎為膏傳之

又方熬蕪菁子搗碎帛裏展轉傳土良

又方以麻子熬作末摩上良

又方酒和麩傳之

又方以猪膽傳之良

又方剝去瘡痂温醋泔清洗之以胡燕窠和百日男兒屎如膏

傳之

又方亂髮灰服方寸七日三亦治發背

又方煮芸薹菜取汁一升服之并食乾熟芸薹數頓少與鹽醬

冬月研子水和服之

又方枸杞根并葵根葉煮汁煎令如糖隨意服之

又方臘月糖晝夜連浸數日乃愈

治疽潰後方

以鹽湯洗拭了燒皂莢灰粉上良

又方以牛耳中垢傳之良

又方梁上塵和車軛中脂傳之

又方以生麻油滓綿裹布瘡上蟲出

又方以沸湯灌瘡中三四徧湯一作錫

治疽似癰而小有異膿如小豆汁今日去明日滿者方

右用芸薹熟擣濕布袋盛之埋熱灰中更互熨之不過再三

度安瘥冬用乾者

又方皂莢煎湯洗瘡拭乾以藥皮為末傳之勿令作痂

治疽卒著五指筋急不得屈伸者方

右灸踝骨中央數十壯或至百壯

治風疽方

凡脚腫及曲脈中養搔則黃汁出是也灸法見後

右以青竹筒一枚經一寸半長三尺當中著大豆一升以糠

馬屎二物燒為火當竹筒中燒之以器承兩頭取汁先以泔

清和鹽熱洗瘡了即塗豆汁不過三度極效

又方嚼胡麻傳以綿裹之日易神良

治石疽狀如痊癰而皮厚方

右擣穀子傳之亦治金瘡

治久癰瘡敗壞成骨疽方

右用末龍骨粉瘡四面厚二分以膏著瘡中日二易蟲出如

髮盡愈膏方如左

大蝦蟆一枚自死

亂髮一塊雞子大

猪脂斤

右三味取二味內脂中煎略消盡下待冷更內鹽一合攪和

充前用

治瘡久不瘥瘥而復發骨從孔中出名為骨疽方

以猪膽和楸葉擣封之

又方擣白楊葉末傳之

又方擣蕪菁子傳之帛裹日一易

又方穿地作坑口小裏大深三尺取乾雞屎二升以艾及荆葉

擣碎和雞屎令可燃火坑中燒之令煙出內疽於坑中熏之

以衣擁坑口勿洩氣半日當有蟲出甚效

治附骨疽方

槲皮燒末飲服方寸匕

又方新剥鼠皮如錢孔大貼腫上即膿出已潰者取春上脂貼

之

又方灸間使後一寸隨年壯立瘥

治久疽方

小山山房

喬氏世定刻行

右用鯽魚破腹勿損內白鹽於腹中以針縫之於銅器中火上煎令乾作末傳疽瘡中無膿者以猪脂和傳上小痛痛無怪也十日瘡

苦匏散治浸淫瘡方瘡表裏相當

苦匏醃 蜂房 蛇蛻兩 大豆餅

梁上塵合

右五味治下篩以粉為粥和傳紙上貼之日三古今錄

又方以煎餅乘熱搗之亦治細癬

又方猪牙車骨年久者槌破燒令脂出熱塗之

又方取苦楝皮若枝燒作灰傳上乾者猪脂和塗之并治小兒

秃瘡及諸惡瘡

治癩瘡方

右用醋一升温令沸以生薤一把內中封瘡上瘡為度

又方擣桃葉和鯉魚鮓糍封之亦可以鮓傳上

又方炒臘月糖傳之

又方燒故履糸為末傳之

又方燒松根取脂塗之

治燥癩方

右用醋和灰塗之

又方熱牛屎塗之

治濕癩方

右燒乾蝦蟆猪脂和傳之

小丘山房

喬氏世定刻行

治癩疥百療不瘡方

棟實舟

桃皮

苦參

地榆根各伍兩

右四味以水一斗煮取五升稍溫洗之日一度

治久癩疥濕瘡浸淫日廣癢不可堪搔之黃汁出瘡後復發方

右用羊蹄根淨去土細切熟熬以醋和熟搗淨洗瘡傳上一

時間以冷水洗之日一度又陰乾作末癢時搔則汁出以粉

之又以生葱根搯之

千金翼無葱字

治一切癩瘡凡脚腫及曲脚中癢搯則黃汁出是名風疽

右灸足大趾竒間二七壯又灸大趾頭亦佳

治諸瘡因風致腫方

右燒白芋灰溫湯和厚三分傳瘡上乾即易五六度瘡

又方櫟根皮三十斤剉以水三斛煮令熱下鹽一把令的的然

熱以浸瘡當出膿血日日為之瘡止

治惡露瘡方

以搗薤菜傳瘡口以大艾炷灸藥上令熱入內即瘡

治惡瘡方

礬石

松脂

亂髮

蠟各一兩

猪膏肆兩

右五味煎髮候消內礬石次內松脂次內蠟去滓先刮洗瘡

令淨然後用藥塗之日再三不痛久瘡時愈新瘡遲愈癩疥

癢瘡頭禿皆即愈生髮勝飛黃膏

又方燒蒿竹灰和楮白汁塗之

小丘山房

喬氏世定刻行

又方羊屎麻根燒煙斷膏和封上有汁者乾傳之

又方麩一升作餅大小以覆瘡灸上令熱汁出盡瘡

治惡瘡似火爛洗湯

右用白馬屎曝乾以河水和煮十沸絞取汁洗之

治惡瘡其大如錢名曰馬疥方

右以水漬自死蛇一頭令爛去骨以汁塗之隨手瘡

治惡瘡十年不瘥似癩者方

右用蛇蛻皮一枚燒為末下篩猪脂和傳之錯和亦得

又方苦匏一枚咬咀煮取汁洗之日三度又煎以塗癬甚良當

先以泔淨洗乃塗三日瘥

又方燒假猪屎傳之

又方鹽湯洗擣地黃葉貼之

又方燒菘蓂子為末傳之

又方燒鯽魚灰和醬清傳之

烏膏治惡瘡方

雄黃

雌黃

芎藭

升麻

烏頭

防己

竹灰

黃連

黃蘗

水銀各兩

胡粉壹分

蠟兩

杏仁三拾枚

巴豆二拾枚

松脂

亂髮壹雞子大

右十六味咬咀以猪膏三升急煎令髮消去滓停小冷入頁

朱三錢七攪令相得以傳之凡用膏先淨洗瘡拭乾乃傳上

傳訖以赤石脂黃連散粉之千金真無竹灰水銀

治種種諸瘡不愈者方

水銀兩

黃連兩

經墨分

右三味治下篩以不中水猪膏和傅上不過再三度瘡神良若欲多作任人水銀大須熟研其藥惟不治金瘡

治反花瘡并治積年諸瘡方

右取牛蒡根熟搗和臘月猪脂封上瘡止并治久不瘡諸腫惡瘡漏瘡等皆瘡

又方取馬齒菜搗封上瘡止

又方取蜘蛛膜貼上數易之瘡止

治身瘡及頭瘡不止方

石取萆薢為末傅上日八夜二

治瘡久不瘡方

蕪荑

藜蘆各壹兩

薑黃

青礬

雄黃各壹分

苦參

沙參各三分

附子壹枚

右八味治下篩先以藍汁洗瘡去痂乾拭傅上小兒一炊久剥去之大人半日纔剥再傅不過三四度愈

治諸瘡久不瘡并治六畜方

右用棗膏三升水三斗煮取一斗半數洗取愈

治代指方

右用甘草二兩吹咀水五升煮取一升半漬之若無用芒消代

又方以唾和白硃砂先搜麩作椀子盛唾次著硃砂如唾許以

灰指者中一日瘡

又方以毛雜黃土作泥泥指上厚五分許內糖灰中煨之令熱可忍泥乾即易不過數度瘡

又方刺指熱飯中二七遍

又方以麻沸湯漬之即愈

又方單煮地榆湯漬之半日

又方取萎黃葱葉煮沸漬之

又方以蜀椒四合水一升煮三沸漬之

又方先刺去膿血炙魚鮓皮令溫以纏裹周匝痛止便愈

治指痛欲脫方

右用猪脂和鹽煮令消熱內指中一食久住千金翼和乾薑

治手足指掣痛不可忍方

右用醬清和蜜溫塗之

又方灸指端七壯立瘥

治手足指逆腫方此緣廁上搔頭所致

右還坐廁上以指到將二七下即瘥

又方青珠分一乾薑分二

右二味擣以粉瘡上日三

治手足皴裂逆腫代指方

右酒搗猪脰洗之慎風冷

治冬月冒涉凍凌面目手足皴瘡及始熱痛欲瘥者方

右取麥窠煮令濃熱洗之

治凍指瘡欲墮方

右用馬屎三升以水煮令沸漬半日愈

治手足皴劈破裂血出疼痛方

右用猪脂著熱酒中洗之

治手足皴痛方

右用煮茄子根洗之

又方芎藭分參

蜀椒分二

白芷

防風

鹽各一兩

右五味以水四升煎取濃塗之或猪脂煎更良

治尸脚方凡人脚無冬夏常拆裂者是

右用雞屎一升水二升煮數沸停水冷漬半日瘥止亦用馬

屎忌踏酒吐及婦人穢血

又方煇膠膠乾故帛貼上

治割甲侵肉不瘥方

右以硃砂礬石為末裹之以瘥為候

又方擣鬼針草苗汁鼠粘草根和臘月猪脂傳之

孫真人備急千金要方卷之六十九

九漏第一

癰癰附

方八十三首

論一首

灸法十六首

論曰夫九漏之為病皆寒熱癰癰在於頸腋者何氣使生此皆鼠瘻寒熱之毒氣也堤留於脉而不去者也鼠瘻之本皆根在於臟其末上出於頸腋之下其浮於脉中而未著於肌肉而外為膿血者易去去之奈何曰請從其末引其本可使衰去而絕其寒熱審按其道以予之徐徃來以去之其小如麥者一刺之三刺已決其死生奈何曰反其目視其中有赤脉從上下貫瞳子見一脉一歲死見一脉半一歲半死見二脉二歲死見二脉半二歲半死見三脉三歲死赤脉不下貫瞳子可治也

凡項邊腋下先作癰癰者欲作漏也宜禁五辛酒麪及諸熱食

九漏有似石癰累累然作瀝子有核在兩頰及腋下不痛不熱治者皆練石散傳其外內服五香連翹湯下之已潰者治如癰法諸漏結核未破者火針針使著核結中無不瘡者何謂九漏一日狼漏二日鼠漏三日蝮蝮漏四日蠱漏五日蚰蟥漏六日蜻螳漏七日浮沮漏八日瘰癧漏九日轉脉漏

空青商陸散治狼漏始於頭腫無頭有根起於缺盆之上連延耳根腫大此得之憂恚氣上不得下其根在肝一作肺空青主之商陸為之佐方

- 空青 蛭腦各二 蛭肝乾一具 芎藭半分 獨活 黃芩
- 鼈甲 婦人蓐草商陸 斑猫 乾姜 地膽
- 當歸 茴香 礬石各一分 蜀椒三十粒

右十六味治下篩酒下方寸七日三服十五日服之

狸骨知母散治鼠漏始發於頸無頭尾如鼯鼠使人寒熱脫肉此得之食有鼠毒不去其根在胃狸骨主之知母為之佐方

- 狸骨 知母 桂心 鮫鯉甲
- 山龜殼 甘草 雄黃 乾薑 洛等

右八味治下篩飲服方寸七日三仍以蜜和內瘡中無不瘡先灸作瘡後以藥傳之已作瘡不用灸

地黃膏治鼠漏瘡瘻復發及不愈出膿血不止方

右以不中水猪脂咬咀生地黃內脂中令脂與地黃足相淹和煎六七沸其瘡先用桑灰汁洗去惡汁次以地黃膏傳上

日一易

治鼠漏方

右用蛇虺所吞鼠燒未服方寸七日再不過三服此大驗但難遇耳并傳瘡中佳

又方死鼠壹枚中形者

亂髮如雞子大壹枚

右二味以臘日猪脂煎之令消盡膏成分作二分一分稍稍塗瘡一分稍稍酒服之瘡鼠子當從瘡中出良

荏子桔梗圓治螻蛄漏始發於頸項狀如腫此得之食瓜菓實毒不去其根在大腸荏子主之桔梗為之佐方

荏子

龍骨各半兩

附子一兩

蜀椒百粒

桂心

桔梗

乾薑

礬石

獨活

芎藭各壹分

右十味為末以棗二十枚合搗醋醬和丸如大豆温醬下五

丸加至十九

雄黃黃芩散治蜂漏始發於頸癰癰三四處俱相連以潰此得之飲流水中有風毒不去其根在脾雄黃主之黃芩為之佐

雄黃

黃芩各壹兩

蜂房壹具

茴香

吳茱萸

乾薑各半兩

蜀椒貳百粒

鼈甲

右八味治下飾傳瘡口上日一度十日止

礬石防風散治蚘蜂漏如發於頸初得如傷寒此得之食中有蚘蜂毒不去其根在腎礬石主之防風為之佐

礬石

防風

知母

雌黃

挑白皮

乾地黄

獨活

青黛

小丘山房

卷六十一

三

喬氏世定刻行

斑猫

白芷

松脂一作脂

芍藥

海藻

當歸各壹

白木

蛭皮各肆

蜀椒百粒

右十七味治下篩飲服一錢七日三

礬石白朮散治瘰癧漏始發於頸下無頭尾如棗核塊累移在皮中使人寒熱心滿此得之因喜怒哭泣其根在心礬石王之白朮為之佐

礬石

白朮

空青

當歸各貳

細辛兩

蛭皮

斑猫

枸杞

地膽各壹

乾烏腦參素豆許

右十味治下篩以醋漿服方寸七日三病在上側輪卧在下

高枕卧使藥流下

地膽甘草散治浮沮漏始發於頸如兩指使人寒熱欲卧此得之因思慮憂憊其根在膽地膽主之甘草為之佐

地膽

雄黃

乾薑

續斷

石決明

菴藺根

龍膽各三

細辛二

大黃分

甘草

右十味治下篩傳瘡日四五度古今錄驗無雄黃有玃黃

雌黃芍藥圓治瘰癧漏始發於頸有根初苦痛令人寒熱此得之因新沐濕結髮汗流於頸所致其根空腎雌黃主之芍藥為之佐

雌黃

芍藥

茯苓

續斷

小丘山房

喬氏世定刻行

乾地黄

空青

礞石

乾薑

桔梗

蜀椒

恒山

虎骨

狸肉

烏腦

斑猫

礞石

附子一两

右十七味為末蜜丸如大豆酒服十九日二

斑猫白芷圓治轉脉漏始發於頸濯濯脉轉苦驚惕身振寒熱此得之因驚卧失枕其根在小腸集驗斑猫主之白芷為之佐

斑猫

白芷

綠青

大黃各二

升麻

鍾乳

甘草

防風

地膽

續斷

麝香

礞石各一

人參

當歸

桂心各二

白朮

麥門冬各一

右十七味為末蜜丸如大豆酒服十九日二勿食菜慎房室

百日外臺無大黃桂心

治九漏方

空青

商陸

知母

狸骨

桔梗

防風

荏子

礞石

黃芩

白芷

芍藥

甘草

雌黃

白朮

礞石

地膽

斑猫

雄黃各等分

右十八味為末蜜丸如大豆以酢服三丸三十日知四十日愈六十日平復百日内慎房室一方為散醋服一

小丘山房

喬氏世定刻行

又方蝟皮枚半

鯪鯉甲

樗雞枚各四

鶴骨分六

蜥蜴

蜈蚣枚各一

蜀椒

附子

當歸

蜂房

地榆

桂心

通草

乾漆

牡丹

薏苡仁

蒺藜子

漏蘆一作蘆

龍膽一作龍骨

土瓜各三分

斑蝥分四

蛇牀子

苦參

大黃

雄黃

蛇蛻皮

藺茹

細辛各二分

右二十八味治下篩酒服五分七以知為度日一服

又方斑蝥枚七十

蝟皮

真珠

雄黃各一分

右四味治下篩酒服半錢七日三

又方末成鍊松脂填瘡孔令滿日三四度七日瘡有神驗

又方斑蝥枚二十七

雄黃

桂心

犀角各一分

右四味治下篩酒服一錢七日再服病從小便出

又方馬齒莧陰乾

臘月燭燼各等分

右二味為末以臘月猪脂和其瘡先以暖泔清洗淨拭乾然後以藥傅之日三

後以藥傅之日三

又方乾牛屎

乾人屎各等分

右二味搗先用綿裹瘡上綿上著屎蟲聞屎香即出若瘡即舉綿去之更別取屎及綿著其上如前蟲盡乃止

又方苦瓠四枚大如盞者各穿一孔如指大置湯中煮十數沸

取一竹筒長一尺一頭內匏孔中一頭注瘡孔上冷則易之

徧止

治一切漏方

斑猫一枚

豉一枚

元青二枚

生大豆黃

地膽各拾枚

蜈蚣半一升

牛黃各棗核大

右八味為末蜜丸如梧子大飲服二丸須臾多作酸漿粥冷

飲之病從小便出尿盆中相視如有蟲形狀又似膠汁此病

出也間日一服飲粥如常小弱者隔三四日候無蟲出瘡漸

瘡特忌油膩一切器物皆須灰洗乃作食崔氏云治九漏初服藥少夜食明且

服二丸至七日甚虛悶可煮食蔓菁菜羹自餘脂膩酸口味

果子之類並不得食人強滿口一服人弱再三日一服瘡後仍作二十日將息不能將息便不須服

又方煮鹽花以麩攤病上肉鹽花麩匡中厚二寸其下以桑葉

三重藉鹽候冷熱得所可忍冷則無益熱則以肉一日一度候

瘰癧根株勢消則止若已作瘡者擣糝穀為末粉之

又方櫛地陰白皮三十斤剉碎以水一石煮取一斗去滓煎如

糖又取都厠上雌雄鼠屎各十四枚燒令汁盡為末內煎中又

溫酒一升投煎中合攪之羸人服五合當有蟲出

又方霜下匏花曝乾為末傳之

又方擣土瓜根傳之燥則易不限時節

又方死蛇去皮肉取骨為末合和封瘡上大痛以杏仁膏摩之

止

又方死蛇和臘月猪脂合燒灰為末內孔中

又方燒死蜚螻為末醋和塗又死蛇灰醋和傳之

又方故布裏鹽如彈丸大燒令赤為末酒服

又方服白馬屎汁一升

又方水研杏人服之

又方猪脂一升酒五合煎沸頓服之

又方鹽麩和燒灰傳之

又方正月雄狐屎陰乾搗末水和服

治漏作瘡孔方

右用露蜂房為末臘月猪脂和傳孔中

治漏發心胃以下者方

松脂

武都雄黃各三

右二味和為塊刀子刮為散飲服一方寸七日二不瘡更合

治漏方

鍛落鐵屑

狗頰車連齒骨灸

虎糞

鹿皮

合毛燒為灰各等分

右四味治下篩以猪膏和內瘡中須臾即易日五六度

治一切冷瘻方

右用燒人所吐蛔蟲為灰先用甘草湯洗去瘡惡然後著灰無不瘥者慎口味

治鼠瘻腫核痛未成膿者方

右以楮葉傳腫上熬鹽著葉上熨之令熱氣下即消

治風漏及鼠漏方

赤小豆

白歛

黃耆

牡蠣各等分

右四味治下篩酒服方寸七日三

治蟻蝨瘻方

小丘山房

喬氏世定刻行

右先以泔清煮榭葉取汁洗瘡拭乾次以榭葉灰內瘡中

治蜂瘻方論

初生狀如桃而瘡搔之則引大如雞子如覆手者熬鹽熨之
三宿四日不瘥至百日成瘻其狀大如四五寸石廣三寸中
生蜂作孔乃有數百以石硫黃隨多少燃燒令汁出著瘡孔
中須臾間見蜂數十蜂盡乃瘥

治蜂瘻方

以人屎蛇蛻灰臘月猪膏和傳之

又方鴟頭灰傳之

又方取蜂窠燒灰臘月猪膏和傳孔中

治蟻漏孔容針亦有三四孔者方

右用蝟皮肝心燒灰為末酒服一錢七

又方死蛇腹中鼠取臘月猪脂煎候焦去滓傳之

又方取大鯊鮓燒耕垡土令赤以苦酒浸垡土時合壁土故熱

以鯊鮓著壁土上展轉令熱傳瘡上

又方鱗鯉甲二七枚燒末以猪膏和傳瘡上

又方半夏一枚擣末以鴨脂和傳瘡上

治瘰癧瘻橫闊作頭狀若杏人形亦作瘰癧方

右用雄鷄屎燒灰臘月猪脂和封之

治蟻娘瘻方

右用牛屎燒灰臘月猪脂和傳之

又方蟻娘丸即蟻娘所食屎也為末傳之

又方乾牛屎為末傳之瘰即撥却更厚封瘡乃止
又方熟牛屎塗之數易應有蜚蠊出

治蚯蚓瘻方

雞屎

蚯蚓屎

右二味為末用杜猪下頷髓和傳之

治蠍瘻五六孔皆相通者方

右搗茅根汁著孔中

治蝦蟇瘻方

右用五月五日蛇頭及野猪脂同水衣封之佳

治蛇瘻方

右用蛇蛻皮燒灰臘月猪脂和封之

治蛙瘻方

右用蛇腹中蛙燒灰封之

治顛當瘻方

以搗土瓜根傳至瘡慎口味

治雀瘻方

右取母猪屎燒灰臘月猪膏和傳上當有蟲出如雀形

治膿瘻方

右用桃花末以猪脂和封之佳

治石瘻兩頭出者其狀堅實令人寒熱方

右以大鉞針破之次用鼠粘葉三分為末和鷄子白一枚封之

又方擣槐子和井花水封之

灸漏法

葶藶子灸

鼓升

右二味和擣令極熟作餅子如大錢厚二分許取一枚當瘡

孔上作大艾炷如小指大灸餅上三炷一易三餅九炷隔三

日復一灸外臺灸瘰癧古今錄驗云不可灸頭瘡葶藶氣入腦殺人

又方擣生商陸根捻作餅子如錢大厚三分安漏上以艾灸上

餅乾易之灸三四升艾瘡外臺灸瘰癧

又方七月七日未出時取麻花五月五日取艾等分合擣作

炷用灸瘡上百壯外臺灸瘰癧

九漏灸肩井二百壯 漏灸鳩尾骨下宛宛中七十壯 諸漏

灸癭周四畔瘡 諸惡漏中冷息肉灸足內踝止各三壯二年

六壯

寒熱胃滿頸痛四肢不舉腋下腫上氣胃中有音喉中鳴天池

主之

寒熱頸領腫後谿主之

寒熱酸痛四肢不舉腋下腫馬刀瘻喉痺髀膝胫骨搖酸痺

不仁陽輔主之

寒熱頸腋下腫申脉主之

胃中滿腋下腫馬刀瘻善自齧舌頰天牖中腫寒熱胃脇腰膝

外廉痛臨泣主之

寒熱頸腫丘墟主之

腋下腫馬刀有腫吻傷太衝主之

寒熱頸癰癰大迎主之

五白膏治鼠漏及癰癰方

白馬屎 白牛屎 白猪屎 白羊屎

白雞屎各一 漏蘆仁

右六味各於石上燒作灰研絹篩之以猪膏一升三合煎亂

髮一兩半令極沸盡消乃內諸末微火上煎五六沸藥成去

瘡加以鹽湯洗新帛拭乾然後傳膏若無痂猶須湯洗日再

若著膏當以帛裹上勿令中風冷神驗

曾青散治寒熱癰癰及鼠瘦方

曾青 荏子 礬石壹作 礬石 附子各半

枯蔓根 露蜂房 當歸 防風

芎藭 黃耆 黃芩 狸骨

甘草各貳 細辛 乾薑各壹 斑猫

元青各伍

右十七味治下篩以酒服一方寸七日再治寒熱癰癰方

土瓜根 連翹 龍膽 黃連

枯蔓根 苦參 芍藥 恒山各壹

右八味治下篩酒服五分七日三千金翼外臺有狸骨一枚又千方翼一方有當歸無

枯蔓根恒山

薔薇圓治身體有熱氣癰癰及常有細瘡并口中生瘡方

薔薇根兩 黃耆 黃芩 鼠李根皮

小丘山房

喬氏世定刻行

栝萋根

芍藥

苦參

石龍芮

防風防也作

白欬

龍膽各壹

梔子仁肆

右十二味為末蜜丸如梧子大飲服十五丸日再千金翼有黃蘗壹兩

治癩癧方

右用白殭蠶治下篩水服五分七日三服十日瘥

又方狸頭一枚灸擣篩飲服方寸七日二

又方故鞋內蘊替燒末五匕和酒一升平旦向日服之強行須

史吐鼠出三朝服外臺

又方狸頭蹄骨等灸黃擣篩為散飲服一錢七日二

又方猫兩眼陰乾燒灰井花水服方寸七日再

又方乾猫舌為末傳瘡上

又方狼屎灰傳之

又方狐頭狸頭灰傳之

又方五月五日取一切種七雜艸煮取汁洗之

又方猫腦莽艸

右二味各等分為末著孔中

灸癩癧法

一切癩癧在項上及觸處但有肉結凝似作癢及癰節者以
独蒜截兩頭留心大作艾炷称蒜大小帖癩子上灸之勿令
上破肉但取熱而已七壯一易蒜日日灸之取消止一切癩
癧灸兩膝裏患癧處宛宛中日一壯七日止神驗人灸五

里人迎各三十壯 又灸耳後髮際直脉七壯

又灸患人背兩邊腋下後文上隨年壯

孫真人備急千金要方卷之六十九

孫真人備急千金要方卷之七十

宋朝奉郎守太常少卿充秘閣校理林億等校正

腸癰第二

論三首
灸法二首

方三十三首

論曰卒得腸癰而不曉其病候愚鑿治之錯則殺人腸癰之為病小腹重而強抑之則痛小便數似淋時時汗出復惡寒其身皮皆甲錯腹皮急如腫狀其脉數者小有膿也巢源云數者其脉遲緊者未有膿也甚者腹脹大轉側聞水聲或遠濟生瘡或膿從臍中出或大便出膿血

問曰官羽林婦病鑿脉之何以知婦人腸中有膿為下之即愈師曰寸口脉滑而數滑則為實數則為熱滑則為榮數則為衛衛數下降榮滑上升榮衛相干血為濁敗小腹痞堅小便或澁

或復汗出或復惡寒膿為已成設脉遲緊即為瘀血血下則愈
大黃牡丹湯

大黃 四兩

牡丹 三兩

硝石 二兩

瓜子 一升

桃仁 五十枚

右五味以水五升煮取一升頓服當下膿血刪繁方用

瓜子五合劉涓子用消石三合云腸癰之病小腹痞堅或在膀胱左右其色或白堅大如掌熱小便欲調時白汗出其脉遲堅者未成膿可下之常有血脉數膿成不復可下肘後名瓜子湯

腸癰湯方

牡丹

甘草

敗醬

生姜

茯苓 各二兩

桔梗

薏苡仁

麥門冬 各三兩

丹參

芍藥 各四兩

生地黄 五兩

右十一味以水一斗煮取三升分三服日三

又方薏苡仁一升

牡丹皮

桃仁 各三兩 瓜瓣仁 二升

右四味以水六升煮取二升分再服

姚氏不用桃仁用杏仁崔氏有芒硝

二兩云復中旁痛煩痛不安或脹滿不下飲食小便澁此病多是腸癰人多不識婦人產後虛熱者多是此病縱非癰疽但是便服此湯無湯損也

又方雄雞頂上毛并屎燒作末空心酒服之

又方截取檐頭尖少許燒灰水和服當作孔出膿血取愈凡腸

癰其狀兩耳輪文理甲錯初患中苦痛或繞臍有瘡如粟皮熱

便膿血出似赤白下不治必死方

馬蹄灰以雞子白和塗即拔氣不過再

又方瓜子三升搗末以水三升煮取一升五合分三服

又方死人塚上土作泥塗之

治內癰未作頭者方

右用伏雞屎服之即瘥

又方馬牙灰雞子和塗之乾則易

灸腸癰法

屈兩肘正灸肘頭銳骨各百壯則下膿血即瘥

論曰產後宜勤濟乳不宜令汁蓄積_上不去便結不復出惡

汁於內引熱溫壯結堅牽掣痛大渴引飲乳急痛手不得近成

妬乳非癰也急灸兩手魚際各二十七壯斷癰脈也不復惡乎

近乳汁亦自出便可手助迺將之則乳汁大出皆如膿狀內服

連翹湯外以小豆薄塗之便瘥

婦人女子乳頭生小淺熱瘡癢搔之黃汁出浸淫為長百種治
不瘥者動經年月名為妬乳婦人飲兒者乳皆欲斷世謂苟抄
乳是也宜以赤龍皮湯及天麻湯洗之傳二物飛烏膏及飛烏
散佳若始作者可傳黃芩漏蘆散及黃連胡粉散並佳

赤龍皮湯方

右用槲皮切三升以水一斗煮取五升夏冷用之冬溫用之
分以洗乳亦洗諸深敗爛久瘡洗竟傳膏散

天麻湯方

右用天麻艸切五升以水一斗半煮取一斗隨寒熱分洗乳
以殺癢也此艸葉如麻冬生夏著花赤如鼠尾花也亦以洗
浸淫黃爛熱瘡癢疽濕陰蝕小兒頭瘡洗竟傳膏散

飛鳥膏方

傾粉

是燒朱砂作水銀上
黑煙也一作細粉

礬石各三兩

右二味為末以甲煎和如脂以傳乳瘡日三傳作散者不須和汁自著者可用散及諸熱瘡黃爛瘡浸淫汁癢丈夫陰蝕癢濕瘡小兒頭瘡月蝕口邊肥瘡癩瘡等並皆主之

黃連胡粉散

黃連二兩

胡粉十分

水銀一兩

右三味黃連為末相和粟皮裏熟授之自能和合縱不得成一家亦得水銀細散入粉中也以傳乳瘡諸濕瘡黃爛肥瘡等若乾著甲煎為膏

治妬乳生瘡方

蜂房

猪甲中土

車轍中土各等分

右三味為末苦酒和傳之

鹿角散治婦人乳生瘡頭汁出疼痛欲死不可忍者方

鹿角三分

茸艸一分

右二味治下篩和以雞子黃於銅器中置溫處炙上傳之日再即愈神驗不傳

治妬乳方

右以葵莖灰擣篩飲服方寸七日三即愈

集驗方直擣為散不為灰

又方燒自死蛇為灰和以猪膏塗之大良

灸法

右以蒲橫度口以度從乳上行灸度頭二七壯

小丘山房

喬氏世定刻行

論曰產後不自飲兒并失兒無兒飲乳上蓄喜結癰不飲兒令乳上腫者以雞子白和小豆散傳乳房令消結也若飲兒不泄者數捻去之亦可令大孩子含水使口中令為嚼取滯乳汁吐去之不含水漱去熱喜令乳頭作瘡乳孔塞也
凡女人多患乳癰年四十已下治之多瘡年五十已上慎勿治治之多死不治自得終天年

連翹湯治妬乳乳癰方

連翹

硃硝各二芍藥

射干

升麻

防已

杏仁

黃芩

大黃

柴胡

甘州各三兩

右十一味以水九升煮取二升五合分三服

治乳癰方

麥門冬升黃芩

芍藥

茯苓

各二桑寄生

人參

黃耆

防風

甘州

粘糖八兩

大棗五枚

右十一味以水一斗煮取三升去滓內糖一沸分四服又方先服前件湯五日後服此丸即愈方

天門冬

五澤蘭

五分

大黃

十分

升麻

六分

羌活

桑寄生

防風

人參

黃耆

乾地黄

白芷

通州

各二

黃芩

枳實

五味子

茯神

天雄

芎藭

當歸

右十九味為末蜜丸酒服二十九日加至四十九

治乳癰始作方

廣濟方云治乳癰大堅硬赤紫色衣不得近痛不可忍者

大黃 棟實 芍藥 馬蹄各等分

右四味治下篩飲服方寸匕取汁出瘡

廣濟方云酒覆方寸匕覆取汗當睡著竟

後腫處散不痛經宿乃消

排膿散治乳癰除惡肉方

薇蓉 鐵精 桂心 細辛 黃芩

芍藥 人參 防已一作防風 乾姜 當歸各三分

甘草五分

右一十二味治下篩酒服方寸匕日三夜一服藥十日膿血

出多勿怪

又方生地黄三升 砒硝三合 豉一升

右三味合搗傳上熱即易之取瘡止一切癰腫皆用之單用

地黃傳之

治妬乳乳癰腫方

右取研米槌二枚灸令熱以絮及故帛揜乳上以槌更互熨之瘡止已用立效

治乳癰堅方

右以水罐中盛醋泔清燒石令熱內中沸止更燒如前少熱內乳潰之及冷更燒石內潰不過三度燒石愈

又方黃芩 白斂 芍藥各等分

右三味為末以漿水飲服半錢匕日三若左乳汁結者即將去右乳汁若右乳汁結者可將去左乳汁

小品云治妬乳

治乳癰方

大黃

鼠屎新者各一分

黃連二分

右三味搗為末以黍米粥清和傳乳四邊痛止即愈無黍米粟米粳米亦得

又方 大黃

莽艸

生姜各二分 伏龍肝十二分

右四味搗為末以酢和塗乳痛即止有效又方鹿角治下篩以猪脂上清汁服方寸匕不過再服亦可以醋漿水服

又方取葱白搗傅之并絞汁一升頓服即愈

治乳癰二三日衆瘰不瘥但堅紫色青柳根慰方

右以柳根削取上皮搗令熟熬令温盛著練囊中慰乳上乾則易之一宿即愈

疾藜圓治婦人乳腫痛除熱方

疾藜子

大黃各一兩 敗醬一分

桂心

人參

薏苡仁

附子

黃連

黃耆

雞骨

當歸

枳實

芍藥

通州各二分

右十四味為末蜜丸如梧子大未食飲服三丸不知益至五九日三无所忌一方无大黃敗醬黃連通草為散酒服方寸匕

孫真人備急千金要方卷之七十

小丘山房

全卷二十

二

喬氏世定刻行

孫真人備急千金要方卷之七十一

仁十

宋朝奉郎守太常少卿充秘閣校理林億等校正

五痔第三 論一首 灸法二首 方二十六首

論曰夫五痔者一曰牡痔二曰牝痔三曰脉痔四曰腸痔五曰
 血痔牡痔者肛邊如鼠乳時時潰膿血出牝痔者肛腫痛生瘡
 脉痔者肛邊有瘡癢痛腸痔者肛邊核痛發寒熱血痔者大便
 清血隨大便汚衣又立痔有氣痔寒溫勞濕即發蛇蛻皮主之
 牡痔生肉如兒乳在孔中頗出見外妨於更衣鼈甲主之牝痔
 集驗作從孔中起外腫五六日自潰出膿血猬皮主之腸痔更
 酒痔 衣挺出久乃縮毋猪左足懸蹄甲主之脉痔更衣出清血蜂房
 主之五藥皆下篩等分隨其病倍其主藥為三分旦以井花水

服半方寸匕病甚者旦暮服之亦可四五服禁寒冷食猪肉生
魚菜房室惟得食乾白肉病瘥之後百日乃通房內又用藥熨
下部有瘡內藥瘡中無瘡內孔中又用野葛燒末刀圭內藥中
服藥五日知二十日若三十日愈痔痛通忌蓴菜
治五痔衆醫所不能愈者方

秦艽

白芷

厚朴

紫參

亂髮

紫苑

各壹兩雷丸

膏本

各貳兩石南

麈蟲

各壹兩貫衆

蟲蟲

半升猪後懸蹄拾肆枚

右十三味合搗下篩以羊髓脂煎和丸如梧子大空腹飲下
十五丸日二若劇者夜一服四日肛邊癢止八日膿血盡鼠
乳悉瘥滿六十日終身不復發久服益善忌魚猪肉等

槐子圓治燥濕痔痔有雄雌皆主之方

槐子

乾椀

秦艽

吳茱萸根

白皮各肆兩

白芷

桂心

黃芩

黃耆

白欬

牡蠣

龍骨

雷丸

丁香

木香

蒺藜

附子

各二兩

右十六味為末蜜丸如梧子大飲服二十九日三

千金翼無白欬深師

無黃耆云治若暴有乾燥腫痛者有崩血無數者有鼠乳附
核者有腸中煩癢者二五年皆殺人主忌飲酒及作勞犯之
即發

小槐實圓治五痔十年者方

槐子

叁斤白糖

貳斤礬石

硫黃

各壹斤大黃

乾椀

龍骨

各拾兩

右七味四味搗篩其二種石及糖並細切內銅器中一石米下蒸之以綿絞取汁和藥末併手丸如梧子大陰乾酒服二十九日三稍增至三十九

槐子酒治同前

槐子貳斗

槐東南枝

細判壹石槐東南根細判叁石

右三味內大釜中以十六斛水煮取五斛澄取清更煎取一石六斗炊兩斛黍米上麴二十斤釀之攪令調封泥七日酒熟取清飲遣性常令小小醉合時更煮滓取汁淘米及洗器不得用水須知此事忌生水故也

又方塗熊膽取瘡止神良一切方皆不及此

又方七月七日多採槐子熟搗取汁內銅器中重綿密蓋著宅

中高門上曝二十日已上煎成如鼠屎大內穀道中日三亦主癩及百種瘡

又方取生槐白皮十兩熟搗丸如彈丸綿裹內下部中此病宜常食蒲竹葉及煮羹粥大佳也

又方取鯉魚腸三具以火炙令香綿裹內穀道一食久蟲當出食魚腸數數易之盡三具瘡一方炙腸令香坐上蟲出經用有效

又方虎頭

犀角

右二味為末和不中水猪脂大如鷄子塗瘡上取瘡

治五痔及脫肛方

槐白皮貳兩

猪脂半斤

榛子

桃仁各拾枚

巴豆柒枚

薰草 辛夷 甘草 白芷各半兩 野葛陸銖

右十味吹咀煎三上三下去滓以綿沾膏塞孔中日四五過
蟲死瘥止癢痛大佳

治五痔方

猬皮方參指大切 熏黃棗大熟艾鷄子

右三味穿地作孔調和取便熏之口中熏黃煙氣出為佳火
氣消盡即停停三日將息更熏之凡三度永瘥勿犯風冷羹

臃將補慎猪雞等

又方取槐根煮洗之

又方用桃根煮洗之

猥皮圓治痔方亦治漏

猬皮壹具 礬石 當歸 連翹 乾薑

附子 續斷 黃耆各貳兩 槐子參兩 乾地黄伍兩

右十味為末蜜丸如梧子大飲服十五丸日再加至四十九

集驗方無礬石地黄

又方治崩中及痔方

猬皮 人參 茯苓 白芷 禹餘糧

乾地黄 槐耳 續斷各三兩 蒲黃 黃耆

當歸 艾葉 橘皮 白欬 甘草各貳兩

白馬蹄酒浸一宿 燹令黃 牛角腮各四兩 鰻鱧魚頭貳拾枚

猪懸蹄甲貳拾壹枚 燹

右十九味為末蜜丸如梧子大酒服二十九日再稍加

治痔方

右取槐耳赤雞一斤槐即為末飲服方寸七日三

又方以蒲黃水服方寸七日三良妙外臺云治腸痔每大便常有血者

又方取桑耳作羹空腹飽食之三日食佳

治痔下血及新產漏下方

附子 好礬石各壹兩

右二味為末白蜜丸如梧子大酒服二丸日三稍加不過數

日便斷百日服之終身不發崔氏方有乾姜壹兩

治外痔方亦治惡瘡痔瘡

真珠 雄黃 雌黃各壹兩 竹茹兩 猪膏壹斤

右五味為末內猪膏中和調又切亂髮半雞子大和東向煎

三上三下髮焦出其痔先用鹽湯洗拭乾後傳之

治痔下部出膿血有蟲傷生孔竅方

右以槐白皮一檐剉內盆中煮令味極出置大盆中適寒温

坐其中如浴狀蟲悉出冷又易之不過二三度瘥

治穀道癢痛繞緣腫起裏許欲生肉突出方

大豆叁升以水柒升 槐白皮三升 甘草兩三

右三味以豆汁煮取二升浸故帛薄之冷則易日三五度

槐皮膏治穀道癢痛痔瘡方

槐皮 棟實各伍兩外臺作塵豉 白芷各二兩 當歸兩三 桃仁陸十枚

甘草剛繁用 赤小豆二合

右七味咬咀以成煎猪膏一斤微火煎白芷色黃膏成取摩

瘡上日再并導下部刪繁方無當歸治腎勞虛或酒醉當風所損腎藏病所為肝門腫生瘡因酒等

傷發瀉清血肝門疼痛蜂房膏

治穀道痛方

右用菟絲子熬黃黑和雞子黃以傅之日二度

又方取杏人熬令黃擣作脂以傅之

治大便孔卒痛如鳥啄方

右以大小豆各一斗和擣內兩袋中蒸令極熱更互坐之瘥

灸法

灸冷五痔便灸脊中百壯

五痔便血失尿灸回氣百壯穴在脊窮骨上

疥癬第四論二首方六十首灸法四首

論曰凡瘡疥小秦朮散中加烏蛇肉二兩主之黃耆酒中加烏

蛇脯一尺亦大效千金翼云黃耆酒中加烏蛇脯一尺烏頭附子茵芋石南莽草各等分大秦朮散中加之

亦有大效小小疥癬十六味小秦朮散亦相當黃耆酒見第二十四卷

凡諸疥癬皆用水銀猪脂研令極細塗之

治凡有瘡疥腰膝手足皆生疵疥者方

括萋根兩肆 黃連 芍藥 薔薇根 雀李根皮

黃蘗各叁兩 苦參 黃耆 黃芩 石龍芮貳兩

大黃 當歸 續斷各壹兩

右十三味為末蜜丸如梧子以薔薇飲服二十九日三加至

三十九瘥乃止乾疥白癬勿服千金翼云所是瘡疔皆須服之

治寒熱瘡及風疥諸雜瘡方

千年韭根 好礬石 雄黃 藜蘆 瓜蒂

胡粉各壹分 水銀叁分

右七味以柳木研水銀使盡用猪脂一升煮藜蘆韭根瓜蒂

三沸去滓內諸藥和調令相得即成以傳之神良救急方用治癰瘡

藺茹膏治一切惡瘡疥癬疽漏瘍方

藺茹 狼牙 青箱 地榆 藜蘆

當歸 篇蓄 羊蹄根各貳兩 蛇牀子

白歛各陸分 漏蘆貳分

右十一味擣以苦酒漬一宿明旦以成煎猪膏四升煎之三上三下膏成絞去滓內後藥如左

雄黃 雌黃 硫黃 礬石 胡粉

松脂各貳兩 水銀叁兩

右七味細研看水銀散盡即傾前件膏中以十隻筋攪數百徧止用磁器密貯舉勿令泄氣煎膏法必微火急即不中用傳藥不可近目及陰先研雄黃等令細候膏小冷即和攪傳之

治疥疽諸瘡方

水銀 胡粉各陸分 黃連 黃蘗各捌分 薑黃拾分

礬石 附子 苦參 蛇牀子各叁分

右九味水銀胡粉別研如泥餘為末以成煎猪膏合和研令調以傳之千金翼無姜黃

治久疥癬方

小丘山房

喬氏世定刻行

丹砂 雄黃 雌黃劉涓子無亂髮洗 松脂

白蜜各壹兩 藺茹各叁兩 猪脂貳升 巴豆拾肆枚

右九味先煎髮消盡內松脂蜜三上三下去滓內諸末中更一沸止以傳之千金翼用蠟不用蜜

又方水銀 礬石一作礬石 黃連一作雄黃 蛇牀子各壹兩

右四味為末以猪脂七合和攪不見水銀為熟傳之一方加

藜蘆一兩又云藺茹

治諸瘡疥癬久不瘥者方

水銀壹斤 臘月猪脂伍斤

右二味以鐵器中壘竈用馬通火七日七夜勿住火出之停冷取膏去水銀不妨別用以膏傳一切瘡無不應手立瘥千金

翼又用水銀粉和猪脂塗之

又方特牛尿 羊蹄根各伍斤

右二味以牛尿漬羊蹄根一宿日曝乾後內尿中取盡止作

末傳諸瘡千金翼云和猪脂用更精

又方拔取生烏頭十枚切煮汁洗之瘥

論曰凡諸瘡癬初生時或始痛癢即以種種單方救之或嚼鹽

塗之又以穀汁傳之又以蒜墨和傳之千金翼蒜作酥又以薑黃傳之

又以鯉魚鮓糝傳之又以牛李子汁傳之若以此救不瘥乃以

前諸大方治之

治細癬方

蛇牀子 白鹽一作白堊 羊蹄根各壹斤 赤葛根 苦參

小丘山房

卷之三十一

喬氏世定刻行

菖蒲各半黃連

莽草各叁

右八味咬咀以水七升煮取三升適寒溫以洗身如炊一石米為佳澄清後當微溫用之滿三日止

又方羊蹄根於磨石上以苦酒磨之以傳瘡欲傳先刮瘡以火

炙乾後傳四五過

千金翼云擣羊蹄根著磁器中以白蜜和臨用先刮瘡令傷次以蜜和者傳之如炊一石

米又拭去更以三年大蒜和塗之若刮瘡處不傷即不瘡

又方羊蹄根五升以桑柴灰汁煮四五沸以洗凡方中用羊蹄根皆以日未出採之佳

又方菖蒲末五斤以酒五升漬釜中蒸之使味出先絕酒一日每服一升或半升

又方用乾荆子燒中央器承兩頭取汁塗之先刮上令傷次用

荆子汁

治癬方

右取煎餅熱搗不限多少日一遍良亦治浸淫瘡

又方淨洗瘡取醬辦雀屎和傳之瘡止

千金翼云取醬和屎和塗之

又方水銀蕪蕒和酥傳之

又方日中擣桃葉汁傳之

又方擣刺薊汁傳服之

又方燒蛇蛻一具酒服

又方脬地黄汁佳

又方擣羊蹄根和乳塗之

又方脬驢尿良

又方醋煎艾塗之

又方擣菴荇根蜜和傳之千金翼無根字

治濕癬肥瘡方

右用大麻諸傳之五日瘥

治癬久不瘥者方

右取自死蛇燒作灰猪脂和塗即瘥

灸癬法

日中時灸病處影上三姓灸之呪曰癬中蟲

毛戎戎若欲治待日中

八月八日日出時令病人正當東向戶長跪平舉兩手持尸兩

邊取肩頭小垂際骨解宛宛中灸之兩火俱下各二壯若七壯

十日愈

治小兒癬方

右以蛇牀實擣末和猪脂以傳之

治瘙癢方

右以水銀和胡粉傳之

治身體瘙癢白如癬狀者方

楮子叁枚 猪脰壹具 鹽壹升 礬石壹兩

右四味以苦酒一升合擣令熟以拭身體日三

治癰易方

右以三年醋磨烏賊骨先以布摩肉令赤次傳之

又方醋磨硫黃塗取上集驗又磨附子硫黃待使熟將

又方取途中先死蜚蠊擣爛塗之當指令熱封上一宿瘥

又方白歛 熏陸香

右二味指上作末水服瘡

又方硫黃 雌黃 槲皮燒 蛇蛻壺具

右四味各等分擣篩以清添合和薄塗白處欲塗時先以巴

豆半截拭白處皮微破然後傳之不過三兩度

又方硫黃 水銀 礬石 竈墨各等分

右四味擣篩內坩子中以葱葉中涕和研臨卧傳病上

九江散治白癩風及二百六十種大風方

當歸柒分 石南陸分 附子 躑躅 秦朮

菊花 乾姜 防風 雄黃 麝香

丹砂 斑猫各肆兩 蜀椒 連翹 鬼箭羽

石長生 知母各捌分 鬼白拾壹分 人參 王不留行

石斛 天雄 烏頭 獨活 防已

莽草各拾貳分 水蛭百枚 蜈蚣叁枚 蝨蟲 地膽各拾枚

右三十味諸蟲皆去足翅熬炙令熟為散以酒服方寸七日

再其病入髮令髮白服之百日愈髮還黑

又方天雄 白歛 黃芩各叁兩 乾姜肆兩 附子壹兩

商陸 躑躅各壹升

右七味治下篩酒服五分七日三

治白癩方

礬石 硫黃

右二味各等分為末酢和傳之

小丘山房

喬氏世定刻行

又方平旦以手掉取韭頭露塗之極效

又方以酒服生胡麻油一合日三稍稍加至五合慎生冷猪鷄魚蒜等百日服五斗瘡

又方取羅摩草煮汁拭之亦指令傷搗白汁塗之

又方石灰松脂酒主之方見卷末

又方以蛇蛻皮熬摩數百過棄置草中

又方樹空中水洗桂為末唾和塗之日三

又方以水銀數數拭之令熱即消瘡乃止

又方灸左右手中指節去延外宛中三壯末瘡報之

治凡身諸處白駁漸漸長似癬但無瘡方

右取鰻鱧魚脂塗之先指病上使痛然後塗之

治皮中紫赤疵瘰去壓穢方

乾漆

雌黃

礬石各三兩

雄黃五兩

巴豆

拾五枚

炭皮二斤

右六味治下篩以鷄子白和塗故帛貼病上日二易

治赤疵方

右用墨大蒜鮑血合塗之

治贅疵瘰方

雄黃

硫黃

真珠

礬石

巴豆

藜蘆

各兩

右七味治下篩以真漆合和如泥以塗點病上須成瘡及去

面黥皮中紫不耐漆人不得用以雞子白和之

去疣目方

以七月七日用大豆一合拭疣目上三遍病死人自種豆於南屋東頭第二雷中豆生四葉以湯沃殺即瘥

又方松栢脂合和塗之一宿失矣

又方石硫黃搯六七遍

又方杏仁燒令黑研膏塗上

又方以猪脂癢處搯之令少許血出即瘥神驗不可加

又方每月十五日月正中時望月以禿條帚掃三七遍瘥

又方苦酒漬石灰六七日滴取汁點疣上小作疣即落

又方取牛口中涎數塗自落

又方著艾炷疣目上灸之三壯即除

惡疾大風第五

論一首
方十首

論曰惡疾大風有多種不同初得雖徧體無異而眉鬚已落有徧體已壞而眉鬚儼然有諸處不異好人而四肢腋背有頑處重者手足十指已有墮落有患大寒而重衣不煖有尋常患熱不能暫涼有身體枯槁者有津汁常不止者有身體乾癢徹骨搔之白皮如麩手下作瘡者外臺作卒不作瘡有瘡癢荼毒重疊而生晝夜苦痛不已者有直置頑鈍不知痛癢者其色亦有多種有青黃赤白黑光明枯暗此候雖種種狀貌不同而難療易療皆在前人不由醫者何則此病一著無問賢愚皆難與語何則口順心違不受醫教直希望藥力不能求已故難療易療屬在前人不關醫藥予嘗手療六百餘人瘥者十分有一莫不一一親

自撫養所以深細諳委之姑與共語覺難與語不受入即不須
與療終有觸損病既不瘥乃勞而無功也又神仙傳有數十人
皆因惡疾而致仙道何者皆由割棄塵累懷穎陽之風所以非
止瘥病乃因禍而取福也故余所覩病者其中頗有士大夫乃
至有異種名人及遇斯患皆愛戀妻孥繫著心髓不能割捨直
望藥力未肯近求諸身若能絕其嗜慾斷其所好非但愈疾因
茲亦可自致神仙余嘗問諸病人皆云自作不仁之行久久並
為極猥之業於中仍欲更作云為雖有悔言而無悔心但能自
新受師教命滄進藥餌何有不除余以貞觀年中將一病士入
山教服松脂欲至百日鬚眉皆生由此觀之惟須求之於已不
可一仰醫藥者也然有人數年患身體頑痺羞見妻子不告之

令知其後病成狀貌分明乃云犯藥卒患此皆自誤然斯疾雖
大療之於微亦可即瘥此疾一得遠者不過十年皆死近者五
六歲而亡然病者自謂百年不死深可悲悼一遇斯疾即須斷
鹽常進松脂一切公私物務釋然皆棄猶如脫屣凡百口味特
須斷除漸漸斷殺不交俗事絕乎慶弔幽隱巖谷周年乃瘥瘥
後終身慎房事犯之還發茲疾有吉凶二義得之脩善即吉若
還同倍類必是凶矣今畧述其由致以示後之學者可覽而思
焉

菘豆治惡疾方

右用細粒烏豆擇取摩之皮不落者取三月四月天雄烏頭
苗及根淨去土勿洗搗絞取汁漬豆一宿漉去曝乾如此七

反始堪服初服三枚漸加至六七枚日一服禁房室猪魚雞
蒜畢身毛髮即生犯藥不瘥

岐伯神聖散治萬病癰疽癩疥癬風痿骨肉疽敗百節痛眉毛
髮落身體淫淫隴隴痛癢目痛皆爛耳聾齒齲痔瘻

天雄 附子 茵芋外臺作茵草 躑躅 細辛

烏頭 石南 乾姜各壹兩 蜀椒 防風

菖蒲各貳兩 白木 獨活各叁兩

右十三味治下篩酒服方寸七日三勿增之

狼毒散治惡疾方

狼毒 秦艽各等分

右二味治下篩酒服方寸七日三服五十日愈

又方煉松脂投冷水中二十遍蜜丸服二丸遇飢即服之日三
鼻柱斷離者二百日服之瘥斷鹽及雜食房室又天門冬酒服
百日愈石灰酒主生毛髮眉鬚去大風方

石灰一作伴水和氣足 松脂成煉十斤上麴二升黍米一

右四味先於大鍋內炒石灰以木札著灰中火出為度以枸
杞根剉五斗水一石五升煮取九斗去滓以淋石灰三遍澄
清以石灰汁和漬麴用汁多少一如釀酒法訖封四七日開

服常令酒氣相及為度百無所忌不得觸風其米泔及餒糟
一事已上不得使人畜犬鼠食之皆令深埋却此酒九月作

二月止恐熱隔上熱者服後進三五口冷飯壓之婦人不能
飲食黃瘦積年及蓐風不過一石即瘥其松脂末初醱釀酒

攤飯時均散著飯上待飯冷乃投之此酒飯宜冷不爾即醋宜知之

治大風眉鬚落赤白癩病八風十二痺筋急肢節緩弱飛屍遁注水腫癰疽疥癬惡瘡脚攣手折眼闇洞洩痰飲宿澼寒冷方

麴貳拾伍斤

商陸根貳拾伍斤

馬耳切

右二味合於甕中水一斛漬之炊黍米一石釀如家法使麴米相淹三酸畢密封三七日開視麴浮酒熟澄清溫服三升輕者二升藥發吐下為佳宜食弱煮飯牛羊鹿肉羹禁生冷醋滑及猪犬雞魚等

治風身體如蟲行方

右用鹽一斗水一石煎減半澄清溫洗浴三四遍并療一切風

又方以淳灰汁洗面不過一月

又方以大豆漬飯漿水旦旦溫洗面洗頭髮不淨加少麴勿以

水濯之不過十度

又方成煉雄黃松脂各等分蜜和丸如梧桐子大飲下十九日

三服百日愈慎酒肉鹽豉等

孫真人備急千金要方卷之七十一

小丘山房

喬氏世定刻行

孫真人備急千金要方卷之七十二

慈一

宋朝奉郎守太常少卿充秘閣校理林億等校正

解毒并雜治方

解毒食毒第一

方論

論曰凡人跋涉山川不諳水土人畜飲啖誤中於毒素不知方多遭其斃豈非枉橫耶然而大聖久設其法以救活之正為貪生嗜樂忽而不學一朝逢遇便自甘心竟不識其所以今述神農黃帝解毒方法好事者可少留意焉

治諸食中毒方

飲黃龍湯及犀角汁無不治也飲馬尿亦良

治飲食中毒煩懣方

苦參三兩呔咀以酒二升半煮取一升頓服即吐愈
治食百物中毒方

掘廁傍地深一尺以水滿坑中取廁籌七枚燒令煙以投坑中乃取水汁飲四五升即愈急者不可得但掘地著水即取飲之

又方服生韭汁數升

又方含貝子一枚須臾吐食物瘥

治食六畜肉中毒方

各取六畜乾屎為末水服佳若是自死六畜肉毒水服黃蘗末方寸匕須臾服與佳

又方燒小豆一升為末服三方寸匕神良

又方水服竈底黃土方寸匕

治食生肉中毒方

掘地深三尺取下土三升以水五升煮上五六沸取上浮清者飲一升立愈

治食牛肉中毒方

狼牙燒灰水服方寸匕良

一作猪牙

又方温湯服猪脂良

又方水煮甘草汁飲之

治食牛馬肉中毒方

飲人乳汁良

治食馬肉血洞下欲死方

豉二百

杏仁二十粒

右二味吹咀蒸五升米下飯熟搗之再服令盡

又方蘆根汁飲以欲即解

治生食馬肝毒殺人方
牡鼠屎二七枚兩頭尖者是以水研飲之不瘥更作

治食野菜馬肝肉諸脯肉毒方

取頭垢如棗核大吞之起死人

又方燒狗屎灰水和絞取汁飲之立愈

又方燒猪骨為末水服方寸七

治食百獸肝中毒方

頓服猪脂一斤佳亦治陳肉毒

治食狗肉不消心中堅或腹脹口乾大渴心急發熱狂言妄語

或洞下方

杏仁一升合皮研以沸湯三升和絞取汁分三服狗肉完

片皆出即靜良驗

治食猪肉中毒方

燒猪屎為末服方寸七犬屎亦佳

治漏脯毒方

張文仲云茅室諸水迷脯為漏脯

搗韭汁服之良大豆汁亦得

治鬱肉濕脯毒方

張文仲云肉閉在器中經宿者為濕脯

燒狗屎為末水服方寸七凡生囚熟肉皆不用深箴密蓋

不泄氣皆殺人又肉汁在器中密蓋氣不泄者亦殺人

治脯在黍米中毒方

麴一兩鹽兩撮以水一升煮服之良

治牛射罔脯毒及餅臙中毒方

取貝子為末水服如豆佳不瘥又服

人以雉肉作餅臙因食皆吐下治之方

犀角為末服方寸匕得靜甚良

治食鵝鴨肉成病胃滿面赤不下食者方

服秫米泔良

治食魚中毒方

煮橘皮停極冷飲之立驗肘後方云治食魚中毒一面腫煩亂者

治食魚中毒面腫煩亂及食鱸魚中毒欲死者方

愈 刈蘆根春取汁多飲良并治蟹毒亦可取蘆葦葑汁飲之

治食魚鱠及生肉在胃膈中不化吐之不出便成癥瘕方

厚朴三兩 大黃二兩

治食魚鱠不消方

大黃三兩切 朴硝二兩

右二味以酒二升煮取一升頓服之仲景方有橘皮一兩肘後方云治食猪肉遇冷

不消必成癥瘕下之方亦無橘皮

又方春馬鞭草飲汁一升即消生薑亦良肘後方云亦宜服諸吐藥

又方鮫魚皮燒灰水服無完皮壞刀裝取之一名鮫魚皮古今錄驗

云治食鱈魚傷毒

小丘山房

喬氏世定刻行

又方魚皮燒灰水服方寸匕

又方魚鱗燒灰水服方寸匕食諸鮑魚中毒亦用之

治食蟹中毒方

冬瓜汁服二升冬瓜亦可食

治食諸菜中毒方

甘草

貝齒

胡粉

各等分

右三味治下篩水服方寸匕小兒尿乳汁共服二升亦好

治食山中樹菌中毒方

人尿汁服一升良

解百藥毒第二

論方解毒

論曰甘草解百藥此實如湯沃雪有同神妙有人中烏頭巴豆

毒甘草入腹即定中藜蘆毒葱湯下咽便愈中野葛毒漿飲

訖即止如此之事其驗如反掌要使人皆知之然人皆不肯學

誠可歎息方稱大豆汁解百藥毒余每試之大懸絕不及甘草

又能加之為甘豆湯其驗尤奇有人服玉壺丸治嘔不能已百

藥與之不止藍汁入口即定如此之事皆須知之此則成規更

不須試練也解毒方中條例極多若不指出一二學者不可卒

知餘方例爾

石藥毒用白鴨屎

人參汁雄黃毒用防已

鐵粉毒用礞石

礞石毒用

小丘山房

卷三三

五

高氏世定刻行

大豆汁

白鵝骨

防葵毒用葵根汁

桔梗毒用白粥

甘遂毒用大豆汁

大戟毒用菖蒲汁

躑躅毒用梔子汁

雞子毒用淳醋

馬刀毒用清水

野芋毒用

土漿

人糞汁

杏仁毒用藍子汁

百藥毒用

甘草

薺菜

大小豆汁

藍葉根實汁

金銀毒用

水銀服數兩即出雞子汁及尿白燒猪脂和水淋雞屎汁

芫花毒用

防已

防風

甘草

桂汁

野葛毒用

鷄子清

葛根汁

甘草汁

鴨頭熱血

猪膏

雞屎

人屎

藜蘆毒用

雄黃

温湯

煮葱汁

小丘山房

卷之三

喬氏世定刻行

烏頭天雄附子毒用

大豆汁 遠志 防風 棗肉 飴糖

射罔毒用

藍汁 大小豆汁 竹瀝 大麻子汁

藕芰汁 六畜血 貝齒屑 蛭蚓屎

半夏毒用生薑汁及煮乾薑汁

葶苈毒用

薺芫 甘草 犀角 蟹汁 升麻

狼毒毒用

杏仁 藍汁 白斂 鹽汁 木占斯

已豆毒用

煮黃連汁 大豆汁 菖蒲汁 生藿汁肘後云小豆藿

煮寒水石汁

蜀椒毒用

葵子汁 蒜 桂汁 豉汁 人尿

冷水 土漿 雞毛燒吸煙及調水服

斑猫元青毒用

豬膏 大豆汁 戎鹽 藍汁 鹽湯煮豬膏

巴豆

服藥過劑悶亂者用

水和胡粉 水和葛粉 地漿

蘘荷汁 秬米瀝 豉汁 乾姜 黃連

小丘山房

喬氏世定刻行

解諸菌毒
飴糖 飲藍汁 吞雞子黃

掘地作坑以水沃中攪令濁澄清飲之名地漿
解一切毒藥發不問草石始覺惡即服此方

豉升三 生麥門冬 葱白各八兩
右三味以水七升煮取二升半分三服

雞腸草散解諸毒方

雞腸草分三 薺菜 升麻各四分 芍藥 當歸
甘草各二分 坐土分一 藍子合一

右八味治下篩水服方寸匕多飲水為佳若為蜂蛇等毒蟲所螫以針刺螫上血出著藥如小豆許於瘡中令濕瘡為射

因箭所中削竹如釵股長一尺五寸以綿纏繞水沾令濕取藥肉瘡中隨瘡深淺令至底止有好血出即休若服藥有毒水服方寸匕毒解痛止愈

解毒藥散方

薺菜分一 藍并花二分
右二味七月七日取藍陰乾擣篩水和服方寸匕日三

又方中毒者取秦燕毛二七枚燒灰服
解一切毒方

毋猪尿水和服之又水三升三合和米粉飲之
解鳩毒及一切毒藥不止煩懣方

甘草 蜜各四分 梁米粉升一

小丘山房

喬氏世定刻行

右三味以水五升煮甘草取二升去滓飲大熱內粉湯中攪
令勻調內白蜜更煎令熟如薄粥適寒溫飲一升

治食葭蓉悶亂如卒中風或似熱盛狂病服藥即劇方

飲甘草汁藍青汁即愈

治野葛毒以死口噤者方

取青竹去兩節挂兩脇臍上內冷水注之煖即易須臾口

開開即服藥立活惟須數易水

治鈎吻毒困欲死面青口噤逆冷身痺方

肘後方云鈎吻菜黃食芥相似而所生之

傍無他草又莖有毛誤食之殺人

薺菜八兩呔咀以水六升煮取三升冷如人體服五合日

三夜二凡者薺菜惟令濃佳

又方煮桂汁飲之

又方噉葱涕佳葱涕治毒

治腹中有鐵方

白折炭刮取末并花水服三升不過再服

孫真人備急千金要方卷之七十二

小丘山房

喬氏世定刻行

孫真人備急千金要方卷之七十三

慈二

宋朝奉郎守太常少卿充秘閣校理林億等校正

解毒雜治方

解五石毒第三

論方

論曰人不服石以庶事不佳惡瘡疥癬溫疫瘧疾年年常患寢食不安與居常惡非止已事不康生子難育所以石在身中萬事休泰要不可服五石也人年三十以上可服石藥若素肥充亦勿妄服四十已上必須服之五十以上三年可服一劑六十已上二年可服一劑七十已上一年可服一劑

又曰人年五十已上精華消歇服石猶得其力六十已上轉惡服石難得力所以常須服石令人手足溫煖骨髓充實能消生

冷舉措輕便復耐寒暑不著諸病是以大須服之凡石皆熟鍊用之凡石之發當必惡寒頭痛心悶發作有時狀如溫瘧但有此兆無過取冷水淋之得寒乃止一切冷食惟酒須溫其諸解法備如後說其發背疽腫方見別卷

又曰凡服石人甚不得雜食口味雖百品具陳終不用重食其肉諸雜既重必有相賊聚積不消遂動諸石如法持心將攝得所石藥為益善不可加余年三十八九嘗服五六兩乳自是以來深深體悉至於將悉節度頗識其性養生之士宜留意詳焉然其乳石必須土地清白光潤羅紋鳥翮一切皆成白可入服其非土地者慎勿服之多皆殺人甚於鴆毒紫石白石極須外內映徹光淨皎然非此亦不可服寒石五石更生散方舊說比

藥方上古名賢無此漢末有何侯者行用自皇甫士安已降有進餌者無不發背解體而取顛覆余自有識性已來親見朝野仕人遭者不一所以寧食野葛不服五石明其大大猛毒不可不慎也有識者遇此方即須焚之勿久留也今但錄主對以防先服者其方以從煙滅不復須存為含生害也

葱白豉湯鍾乳對木又對枯萋其治主肺上通頭骨木動鍾乳胃塞短氣鍾乳動木頭痛目疼又鍾乳雖不對海蛤海蛤能動鍾乳鍾乳動則目疼短氣有時木動鍾乳直頭痛胃塞然鍾乳與木為患不過此也雖所患不同其治一也發動之始要有所由始覺體中有異與上患相應宜速服此方

葱白半

豉二升

甘草三兩

人參

外莖用吳茱萸一升

右四味吹咀先以水一斗五升煮葱白作湯澄取八升內藥
煮取三升分三服纔服便使人按摩搖動口中嚼物然後仰
卧覆以煖衣汗出去衣服湯熱歇即便冷淘飯燥而已若服
此不解復服

甘草湯方

甘草_{三兩} 桂心_{二兩} 豉_{二升} 葱白_{半斤}

右四味合服如上法若服此已解肺家猶有客熱餘氣復服

桂心湯方

桂心 麥門冬_{各三兩} 人參 甘草_{各二兩}

豉_{二升} 葱白_{半斤}

右六味合服如前法此方與肘後散發身體生瘡麥門冬湯方用重分兩小異

杜仲湯硫黃對防風又對細辛其治主脾腎通主腰脚防風動
硫黃煩熱脚疼腰痛或嗔忿無常或下利不禁防風細辛能動
硫黃而硫黃不能動彼始覺發便服此方

杜仲_{三兩} 枳實 甘草 李核仁_{各二兩} 香豉_{一升}

梔子仁_{十四枚}

右六味合服如上法若不解復服

大麥奴湯方

大麥奴_{四兩} 甘草 人參 磁硝 桂心_{各二兩}

麥門冬_{半斤}

右六味合服如上法若服此已解脾腎猶有餘熱氣或冷復服

人參湯方

人參 乾薑 甘草 當歸各一兩 附子一枚

右五味合服如上法

生麥門冬湯 白石英對附子其治主胃通主脾腎附子動白石
英煩熱腹脹白石英動附子嘔逆不得食或口噤不開或言語
難手脚疼痛始覺發宜服此方

生麥門冬四兩 甘草 麻黃各二兩 豉二升

右四味合服如上法不解更服

大黃湯方若煩加細辛五兩

大黃三兩 豉二升 甘草二兩 梔子仁二十枚

右凡五味合服如上法頻服得下便止不下服盡若熱勢未

除視瞻高而患渴復服

栝萸根湯方

栝萸根 大麥奴四兩 甘草二兩 豉二升 葱白半

右五味合服如上法稍稍一兩合服之隱約得一升許便可
食少糜動口若已解胃中有餘熱復服

砒硝湯方

砒硝 桂心各二兩 通草 甘草各三兩 白朮一兩

大棗二十枚 李核仁二十枚

右七味合服如上法若腹脹去砒硝用人參二兩

人參湯 紫石英對人參其治主心肝通主腰脚人參動紫石英
外葶云細辛人參動紫石英 心急而痛或驚悸不得眠卧恍惚忘誤失性發

狂昏昏欲眠或憤憤喜嘔或瘕或劇乍寒乍熱或耳聾目暗又

防風雖不動紫石英猶動防風巢源外臺云防風雖不對紫石

人參轉相發動令人亦心痛煩熱頭項強始覺服此方外臺湯

人參 白朮各三兩 甘草外臺無 桂心各二兩 細辛一兩

豉二升

右六味合服如上法若嘔盛加大黃黃芩梔子各三兩若忘

誤狂發猶未除服

生麥門冬湯方外臺此方治瘵石發

生麥門冬 葱白各半斤 甘草三兩 人參一兩

豉二升

右五味合服如上法溫牀煖覆牀下著火口中嚼物使身稍

汗一日便解若心有餘熱更服

人參 防風 甘草各三兩 桂心二兩 生姜

白朮各一兩

右六味合服如上法

大麥麩方赤石脂對桔梗其治主心通主胃背桔梗動石脂心

痛寒噤手脚逆冷心中煩悶赤石脂動桔梗頭痛目赤身體壯

熱始覺發宜溫清酒飲之隨能否須酒勢行則解亦可服此方

大麥熬令汗出燥止勿令大焦春去皮細擣絹篩以冷水

和服之千金翼云炒去皮淨淘蒸令熟曝乾熬令香乃為末

葱白豉湯礬石無所偏對其治主胃發則令人心急口噤骨節

疼強成節節生瘡始覺發即服此方外臺云服麥門冬湯

小丘山房

喬氏世定刻行

葱白二升 豉二升 甘草二兩

右三味以水六升煮取二升半分三服若散發身體卒生瘡宜服

生麥門冬湯方

生麥門冬五兩 甘草 桂心二兩 人參一兩

葱白半升 豉二升

右六味服如解鍾乳湯法

木對鍾乳木髮則頭痛目疼或舉身壯熱解如鍾乳法

附子對白石英亦對赤石脂附子發則嘔逆手脚疼體強骨節

痛或項強面目滿腫發則飲酒服麩自愈若不愈與白石英同

解

大黃黃芩湯桔梗對赤石脂又對茯苓又對牡蠣桔梗發則頭
痛目赤身體壯熱解與赤石脂同茯苓發則壯熱煩悶宜服此
方

大黃 黃芩 梔子仁三兩 豉一升 葱白切一升

右五味以水六升煮取二升半分三服

牡蠣發則四肢壯熱心腹煩悶極渴解與赤石脂同

乾薑無所偏對

栝蒌根湯海蛤對栝蒌海蛤先發則手足煩熱栝蒌先發則噤

寒清涕出宜服此方

栝蒌根 甘草各二兩 大黃一兩 梔子仁十四枚

右四味合服如解鍾乳法

白石英發先腹脹後發熱

石硫黃發通身熱兼腰膝痛

礬石發遍身發熱兼口噤

牡蠣發頭痛而煩滿熱

茯苓發直頭痛

桔梗發頭面熱

海蛤發心中發熱已上除海蛤外宜浴

紫石英發乍寒乍熱

赤石脂發心噤身熱頭目赤已上三味宜酒

石硫黃礬石桔梗牡蠣茯苓此五物發宜浴白石英亦可小浴

其餘皆不宜浴礬石發宜用生熟湯茯苓發熱多攻頭即以冷

水洗身漬之

浴法初熱先用煖水後用冷水浴時慎不可洗頭垂沐可

以二三升灌之丸藥宜浴便得解即佳不瘥可餘治之

赤石脂紫石英發宜飲酒得酒即解凡藥發或有宜冷或有宜

飲酒不可一槩也

又一法云寒食散發動者云草藥氣力易盡石性沉滯獨主胃

中故令數發欲服之時以絹袋盛散一匕著四合酒中塞其口

一宿後飲盡之其酒用多少將御節度自如舊法此則藥石之

勢俱用石不住胃中何由而發事甚驗也

梔子豉湯治食宿飯陳臭肉及羨宿菜發者方

梔子三七香豉三甘草三

右三味呔咀以水八升煎取三升分三服方可加人參葱白
葱白豉湯治因失食發及飲酒過醉發者方

葱白一斤 豉一升 乾姜五兩 甘草二兩

右四味呔咀以水七升煮取三升分三服不解宜服

理中湯方

人參 甘草 白朮各三兩 乾姜二兩

右四味呔咀以水六升煮取三升半分三服

人參湯治因瞋怒太過發者方

人參 枳實 甘草各九分 白朮 乾薑

栝蒌根各六分

右六味呔咀以水九升煮取三升分三服若短氣者稍稍數

飲千金翼云主散發氣逆心腹絞痛不得氣息命在轉燭者

情色過多發宜服黃耆湯方本

將冷太過發則多壯熱以冷水洗浴然後用生熟湯五六石灌

已食少煖食飲少熱酒行步自勞

將熱太過發則多心悶時時食少冷食若夏月大熱時發動多

起於渴飲多所致水和少麩服之不瘥復作以瘥為度

冷熱耐法若大小便閉塞不通或淋瀝溺血陰中疼痛此是熱

氣所致用此法即愈

其法前以冷物耐小腹已次以熱物耐之又以冷物耐之

若小便數此亦是取冷所為煖時理自愈

治藥發下利者方

小丘山房

喬氏世定刻行

乾服豉即斷能多益佳

檳榔湯凡服散之後忽身體浮腫多是取冷過所致治之方

檳榔三十枚擣碎以水八升煮取二升分再服千金翼云

下篩吹咀其皮以湯七升煮取二升去滓內子味為再服

治凡散發瘡腫方

蔓菁子熬杏仁 黃連 胡粉各一 水銀二

右五味別擣蔓菁子杏仁如膏以豬脂合研令水銀滅以塗

上日三夜一

治散發赤腫者方

生地黄兩五 大黃兩一 生商陸兩三 杏仁枚四

右四味切醋漬一宿猪膏一升煎商陸令黑去滓摩腫上日

三夜一

治散發生細瘡者方

黃連 砒硝各五

右二味吹咀以水八升煮黃連取四升去滓內砒硝令烺漬

布取帖瘡上數數易換多少皆著之

治散發瘡痛不可忍方

冷石三兩下篩為末粉瘡上日五六度即燥須臾痛亦定

治服散忽發痛方

乾薑五兩吹咀以水五升煮取三升去滓內蜜一合和絞

頓服不瘥重作

鴨通湯解散除熱方

白鴨通

五升沸湯二斗半淋之

梔子仁

二十枚

麻黃

八兩

冷石

二兩

甘草

五兩

石膏

右七味五味咬咀以鴨通汁煮取六升去滓內豉三沸分服

五合若覺體冷小便快闊其間若熱猶盛小便赤促服之不限五合宜小勞當漸進食不可令食少但勿便多耳

解散治盛熱實大小便赤方

升麻

大黃

黃連

甘草

黃蘗

芍藥

六兩

黃芩

四兩

梔子仁

十四枚

豉

各一升

白鴨通

右十一味咬咀以水三斗先煮鴨通竹葉取一斗二升去滓澄清取一斗次內藥煮取三升分三服若上氣者加杏仁五

合腹滿加石膏三兩

下散法治藥發熱困方

千金翼云凡散數發熱者類下去之又云諸丹及金石等同用之

黍米三升作糜以成煎猪脂一斤和令調宿不食旦空腹

食之令飽晚當下藥神良不盡熱發更合服之

又方

肥猪肉

五斤葱白

薤

各半斤

右三味合煮治如食法宿不食旦服之令盡不盡明日更服

又方治發動數數患熱困壓藥下之方猪腎脂一具不令中水以火炙承取汁適寒温一服三合

每日夜五六服多至五六升二日稍隨大便下又方作肥猪肉臠一升調如常法平旦空腹頓服令盡少時腹

中雷鳴鳴定藥下隨下以器盛取用水淘得石不盡更作如前服之

孫真人備急千金要方卷之七十三

孫真人備急千金要方卷之七十四

慈三

宋朝奉郎守太常少卿充秘閣校理林億等校正

解毒方

蠱毒第四論

論曰蠱毒千品種種不同或下鮮血或好卧闇室不欲光明或心性反常乍嗔乍喜或四肢沉重百節酸疼如此種種狀貌說不可盡亦有得之三年乃死急者一月或百日即死其死時皆有九孔中或於脇下肉中出去所以出門常須帶雄黃麝香神丹諸大辟惡藥則百蠱貓鼠狐狸老物精魅水不敢著人養生之家大須慮此俗亦有灸法初中蠱於心下捺便大炷灸一百壯并主貓鬼亦灸得愈又當足小指尖上灸三壯當有物出酒

千金方卷第七十四
上得者有酒出飯上得者有飯出肉菜上得者有肉菜出即愈神驗皆於灸瘡上出

凡中蠱毒令人心腹絞切痛如有物嚙或吐下血皆如爛肉若不即治蝕人五臟盡乃死今欲驗之法當令病人唾水沈者是蠱不沈者非蠱也

凡人患積年時復大便黑如漆或堅或薄或微赤者皆是蠱也凡人忽患下血以斷下方治更增劇者此是中蠱也

凡卒患血痢或赤或黑無去多少此皆是蠱毒粗醫以斷痢藥處之此大非也

世有拙醫見患蠱脹者遍身腫滿四肢如故小便不甚澀以水病治之延日服水藥經五十日望得痊愈日復增加奄至隕

歿如此者不一學者當細尋方意消息用之萬不失一醫方千卷不盡其理所以不可一一備述云耳

凡火中蠱有人行蠱毒以病人者若服藥知蠱主姓名當使呼喚將去若欲知蠱主姓名者以敗鼓皮燒作末以飲服方寸匕須臾自呼蠱主姓名可語令去則愈又有以蛇涎合作蠱藥者飲食中使人得瘕病此一種積年乃死療之各自有藥江南山間人有此不可不信之

太上五蠱圓治百蠱吐血傷中心腹結氣堅塞咽喉語聲不出短氣欲死飲食不下吐逆上氣去來無常狀如鬼祟身體浮腫心悶煩疼寒戰夢與鬼交狐狸作魅卒得心痛上又腎脇痛如刀刺經年累歲著牀不起悉主之方

雄黃 椒目 巴豆 莽草 芫花

真珠外臺用木香 鬼臼 礬石 藜蘆各四分

附子五分 獺肝一分 蜈蚣二枚 斑貓三十枚

右十三味為末蜜和更搗二千杵丸如小豆先食飲服一九
餘密封勿泄藥氣十九為一劑如不中病後日增一九以下
利為度當下蠱種種狀貌不可具述下後七日將息服一劑
三十年百病盡除忌五辛

太乙追命圓治百病若中惡心腹脹滿不得喘息心痛積聚
臙脹疝痕宿食不消吐逆嘔九寒熱瘰癧蠱毒婦人產後餘疾

方

蜈蚣一枚 丹砂 附子 礬石一作雄黃

藜蘆 鬼臼各一分 巴豆二分

右八味為末蜜丸如麻子一服二九日一服傷寒一二日服
一丸當汗出綿裹兩丸塞兩耳中下痢服一九一九塞下部
蠱毒服二丸在外膏和摩病上在隔上吐隔下利有瘡一九
塗之毒自出產後餘疾服一九耳聾綿裹塞耳

治人得藥雜蠱方

斑貓六枚 桂心 藜蘆各如脂大 芥月下土如彈丸大

右四味治下篩水服一錢七下蠱蛇蝦蟇蠃娘毒俱出

萬病圓治蠱注四肢浮腫肌膚消索咳逆腹大如水狀死後轉
易如家人一名蠱脹方小品名雄黃丸一名萬病丸

雄黃 巴豆 莽草 鬼臼各四枚 蜈蚣三枚

小丘山房

喬氏世定刻行

右五味為末蜜和搗三千杵丸如小豆密封勿泄氣宿勿食
平旦空腹一九一炊久不知更加一九當先下清水次下蠱
長數寸及下蛇又下鰕雞子或白如膏下後作葱豉粥補之
百種煖將息

治中蠱毒腹內堅如石面目青黃小便淋瀝病變無常處方肘

古今錄驗方俱云用鐵精烏雞肝和丸如梧子以酒服三九日再甚者不過十日千金用後方疑千金誤

殺羊皮方五寸 犀角 芍藥 黃連

牡丹各一兩 藜荷四兩 梔子仁七枚

右七味以水九升煮取三升分三服葛氏崔氏同無芍藥牡丹梔子用苦

參升麻當歸

犀角圓治蠱毒百病腹暴痛飛屍惡氣腫方

犀角屑 鬼臼屑 桂心末 羚羊角屑各四錢七

天雄 莽草 真珠 雄黃各一兩 貝子五枚

蜈蚣五條 巴豆五十枚 麝香 射罔如雞子黃一枚

右十三味為末合搗蜜丸如小豆服一九日二合咽不知少
增之卒得腹滿蜚屎服如大豆許二丸若惡氣腫以苦酒和
塗上縫袋子盛藥繫左臂辟不祥鬼疰蠱毒可以備急

治蠱毒方

茜根 藜荷根各三兩

右二味以水四升煮取二升頓服肘後方云治中蠱吐血或下血皆如爛肝

者自知蠱姓姓名

又方

小丘山房

喬氏世定刻行

蝟皮灰 亂髮灰各一方 生麻子汁五升

檨樹非陰白 梔根皮各五兩

右五味先煮檨皮桃根取濃汁一升和麻子汁髮灰等令勻

患人宿少食旦服一大升須臾著盆水以雞翎搗吐水中如

牛涎犢胎及諸蟲並出

又方檨樹北陰白皮一大握長五寸水三升煮取一升空腹服

即吐蟲出亦治中蠱下血

又方蝟皮灰水服方寸匕亦出蟲

又方

大戟 斑貓分一 五月五日梔白皮必效方云以東引者火烘之各四分

右三味治下節且空腹以水一雞子許服八捻用二指相著

如開頓服之若指頭相離取藥太多恐能損人肘後方云服棗核大不瘥

十日更一服必效方云服半方寸匕其毒即出不出更一服

治蛇蠱方蛇毒入菜果中食之令人得病名曰蛇蠱

大豆末以酒漬絞取汁服半升

治諸熱毒或蠱毒鼻中及口中出血醫所不治者方

取人屎尖七枚燒作火色置水中研之頓服即愈亦解百

毒時氣熱病之毒服極神驗

治蠱吐下血方

檨皮廣五寸長一尺 蘆荻根五寸如是大指小品方用蘆荻根

右二味吹咀以水二升煮取一升頓服極下蠱

治中蠱下血日數十行者方

巴豆二七枚 元青

藜蘆

附子

礬石各二分

右五味為末別治巴豆合篩和細得以綿裹藥如大豆許內下部中日三瘥

又方苦瓠一枚以水二升煮取一升稍稍服之當下蠱及吐蝦蟇蚪斗之狀一月後乃盡范江方云苦瓠毒當臨時量用方云用苦酒升煮

治下血狀如雞肝腹中攪痛難忍者方

茜根

升麻

犀角各三兩 桔梗

黃蘗

黃芩各二兩

地榆

白蘘荷各四兩

右八味以水九升煮取二升半分三服此蠱和血用之

又方

桔梗

犀角各等分

右二味為末酒服方寸七日三不能自服絞口與之藥下心中當煩須臾自靜有頃下服至七日止可食猪脾臟自補養

治蠱下血如雞肝日夜不解欲死者皆可用

治腸蠱先下赤後下黃白沫連年不瘥者方

牛膝一兩搥散切以淳清酒一升漬一宿平旦空腹服之

再服便愈

北地太守酒治萬病蠱毒風氣寒熱方

烏頭

甘草

芍藥

黃芩

桂心

藜蘆

附子各四兩

白欬

桔梗

半夏

柏子仁

前胡

麥門冬各六兩

右十三味七月麴十斤秫米一斛如醞酒法以絹袋

盛之沈於瓮底酒熟去糟還取藥滓以青布袋盛沈著酒底
泥頭秋七日夏五日冬十日空腹服一合日二以知為度藥
有毒故以青布盛之服勿中止二十日大有病出其狀如漆
五十日病悉愈婦人年五十被病連年腹中積聚冷熱不調
時時切痛透臍絞急上氣胃滿二十餘年服藥二七日所下
三四升即愈又有女人病偏枯終產服二十日吐黑物大如
刀帶長三尺許即愈其年生子又有女人小得癩病服十八
日出血二升半愈有人被杖崩血內瘀臥著九年服藥十三
日出黑血二三升愈有人耳聾十七年服藥三十五日鼻中
出血三升耳中出黃水五升便愈古方云熹平二年北地太
守臣光上然此偏主蠱毒有人中蠱毒者服無不愈極難瘥
者不過二七日所有效莫不備出曾有一女人年四十餘偏
枯羸瘦不能起長卧床枕耳聾一無所聞兩手不收已經三
年余為合之遂得平復如舊有人中蠱毒而先患風服茵芋
酒傷多吐出蠱數十枚遂愈何況此酒而不下蠱也嘉其功
效有異常方故具述焉

胡臭漏腋第五

方論

論曰有天生胡臭有為人所染臭者天生臭者難治為人所染
者易治然須三年醋傳礬石散勿止并服五香丸乃可得瘥勿
言一度傳藥即瘥正一傳藥時暫得一瘥耳五香丸見前第六
卷中凡胡臭人通忌食芸薹五辛治之終身不瘥

石灰散治胡臭方

石灰一升

楓香一作沈香丁香

薰陸香

青木香各二兩

礬石四兩

橘皮

陽起石各三兩

右八味治下篩以綿作篆子粗如指長四寸展取藥使著篆上以絹袋盛著腋下先以布措令痛然後挾之

又方三年苦酢和石灰傳之

治胡臭方

辛夷

芎藭

細辛

杜蘅

藁本各二兩

右五味以咀以淳苦酒漬一宿煎取汁傳之欲傳取臨卧時以瘡為度

又方

青木香

附子

白灰各二兩

礬石半兩

右四味為散著粉中常粉之

肘後無礬石

又方赤銅屑以酢和銀器中炒極熱以布裹慰腋下冷復易

又方槲葉切三升以水五升煮取一升用洗腋下即以白苦瓠燒令煙出熏之數數作用

又方

辛夷

細辛

芎藭

青木香

四分

右四味治下篩熏竟粉之

又方馬齒菜一束擣碎以蜜和作團以絹袋盛之以泥紙裹厚半寸曝乾以火燒熟破取更以少許蜜和使熱勿令冷先以生布措之夾藥腋下藥痛久忍之不能然後以手中勒兩臂

又方

牛脂 胡粉各等分

右二味煎令可塗腋下一宿即愈不過三劑肘後方云合樹以塗

又方伏龍肝作泥傅之

六物散治漏腋腋下及足 手掌陰下股裏常如汗濕臭者方

乾枸杞根 商陸根 胡粉 滑石各一兩

右件藥治下篩以苦酒少少和塗當微汁出易衣復更塗上

不過三著便愈或一歲復發發復塗之

又方 水銀 胡粉外臺作粉霜

右二味以面脂研和塗之良驗

又方

石灰三升 銀屑一升一作銅屑

右二味合和絹囊盛汗出粉之妙

又方正旦以尿洗腋下神妙

又方黃礬石燒令汁盡治為末絹袋盛粉之即瘥

脫肛第六方灸法

肛門主肺肺熱應肛門熱則閉塞大行不通腫縮生瘡允通方

白蜜三升煎令燥冷水中調可得為丸長六七寸內肛門

中到身向上頭向下少時取烱斯須即通洞泄

猪肝散肛門主大腸大腸寒應肛門寒則洞瀉肛門滯出

猪肝一斤熬令燥 黃連 阿膠 芎藭各一兩

艾葉

兩

烏梅肉

五兩

右六味治下篩溫清酒一升服方寸匕半日再若不能酒與清白米飲亦得

壁土散治肛門滯出方

故屋東壁土

一升

皁莢

三挺各長一尺二寸

右二味先擣土為散挹粉肛頭出處次取皁莢炙煖更通慰取入則止

又方灸故麻履底按令入頻按令入求瘥

海藻

龍膽

海蛤

通草

昆布

礬石

一作礬石

松蘿各三分

麥麴

四分

半夏

二分

右九味治下篩酒服方寸匕日三禁食魚猪肉五辛生菜諸

難消之物十日知二十日愈

又方

小麥麴

海藻

特生礬石兩

右三味以三年米醋漬小麥麴曝乾各擣為散合和服一方寸七日四五服藥合極乃咽之禁薑五辛猪魚生菜大吹大讀誦大呌語等

又方

昆布

松蘿

海藻

各三兩

桂心

海蛤

通草

白欬

各二兩

右七味治下篩酒服方寸匕日三

又方

小丘山房

卷之二十四

喬氏世定刻行

海藻 海蛤各三兩 昆布 半夏 土瓜根

松蘿各一兩 通草 白欵 龍膽各二兩

右十味治下篩酒服方寸七日再不得作重用力

又方昆布二兩洗切如指大醋漬合咽汁盡愈

又方

海藻一斤小 小麥麩升

右二味以三年醋一升溲麩末曝乾往反醋盡合擣為散酒

服方寸匕日三服忌努力崔氏云療三十年瘦瘠

五瘦圓方

菖蒲二兩 海蛤 白欵 續斷 海藻
松蘿 桂心 蜀椒 到掛草 半夏各二兩

神麩三兩 羊鬻百枚

右十二味治下篩以牛羊髓脂為丸如梧子日服三九

又方取鹿鬻以佳酒浸令沒炙乾肉酒中更炙令香合咽汁味

盡更易盡十具愈

灸法

瘦惡氣灸天府五十壯千金翼云又灸胃堂百壯

瘦上氣短氣灸肺輸百壯

瘦上氣胃滿灸雲門五十壯

瘦勞氣灸衝陽隨年壯

瘦氣面腫灸通天五十壯

瘦灸天瞿三百壯橫三間寸灸之

又灸中封隨年壯在兩足趺上曲尺宛宛中

諸癭灸肩髃左右相當宛宛處男左十八壯右十七壯女右十

八壯左十七壯或再三取瘥止

又灸風池百壯俠項兩邊

又灸兩耳後髮際一百壯

又灸頭衝一作頭衝在伸兩手直向前令臂著頭對鼻所注處

灸之各隨年壯千金翼云一名臂臑

凡肉瘤勿治治則殺人慎之肘後方云不得針灸

陷腫散治二三十年癭瘤及骨瘤脂瘤石瘤肉瘤膿瘤血瘤或

息肉大如杯杆升斗十年不瘥致有漏潰令人骨消肉盡或堅

或軟或潰令人驚悸寤寐不安身體瘰縮愈而復發方

烏賊骨 石硫黃各一分 白石英 紫石英

鐘乳各二分 丹參三分 琥珀 附子 胡鷲屎

大黃 乾薑各四分

右十一味治下篩以韋囊盛勿泄氣若瘡濕即傳若瘡乾猪和傳日三四以乾為度若汁不盡者至五劑十劑止藥令人不痛若不消加砒硝二兩佳

治癭瘤方

昆布 桂心 逆流水柳鬚各一兩 海藻

乾薑各二兩 羊靨七枚

右六味為末蜜丸如小彈子大含一九咽津

又方

礬石 芎藭 當歸 大黃 黃連

黃芩 白欬 芍藥各二分 吳茱萸一分

右九味治下篩雞子黃和塗故細布上隨瘤大小厚薄帖之乾則易著藥熟當作膿脂細細從孔中出須探膿血盡著生肉膏若膿不盡復起如故

生肉膏治癰瘤潰漏及金瘡百瘡方

當歸 附子 甘草 白芷 芎藭各一兩

薤白二兩 生地黃三兩

右七味呔咀以猪脂三升半煎白芷黃去滓稍以傳之日三又方以狗屎煨雞子傳之去膿水如前方說傳生肉膏取瘡見方

前二十卷

陰癩第八論灸

論曰癩有四腫有腸癩卵脹氣癩水癩腸癩卵脹難瘥氣癩水

癩針灸易治

治癩圓方

桃仁 蜘蛛各五枚 桂心 蒺藜子 地膚子

澤瀉 防風 五味子 橘皮 茯苓

防葵 芍藥各二兩 牡丹皮 細辛 海藻各一兩

狐陰一具

右十六味為末蜜和丸如梧子服十九丸稍加至三十九丸方角處一丸令頓上兩爪角各令半丸上爪指佳七壯愈

陰癩灸足大趾下理中十壯隨腫邊灸之時後方云灸足失趾第二節下橫文正中

央五壯姚氏云
足失指本三壯

男兒癩先將兒至碓頭祝之曰坐汝兒某甲陰囊癩故灸汝三
七二十一枚灸訖便牽小兒令雀頭下向著囊縫當陰頭灸縫
上七壯即消已驗艾炷狷簪頭許

大凡男癩當騎碓軸以莖伸置軸上齊陰莖頭前灸軸木上隨
年壯

論曰有人自少至長陰下常有乾癬者宜依癬方主之有五勞
七傷而得陰下癢濕搔之黃汁出者宜用補丸散主之仍須傳
藥治之亦有患妬精瘡者以妬精方治之夫妬精瘡者男子在
陰頭節下婦人在玉門內並似甘瘡作白齊食之大痛甘即不
痛也

蒺藜子湯凡虛熱石熱當路門冷濕傷肌熱形在裏變成熱及
水病腫滿腹大氣急大小便不利腫如皮紙或水晃晃如老蠶
色陰莖堅腫為瘡水出此皆腎熱虛損強取口風陰濕傷脾胃故
也治之法內宜依方服諸利小便藥外以此湯洗四肢竟以葱
白膏傅之別以猪蹄湯洗莖上蒺藜子湯方

蒺藜子 葱心青皮

赤小豆升

菘菜子升 葫藿升 巴豆一枚

右六味咬咀以水二斗煮取八升以淋洗腫處

猪蹄湯治服石發熱因勞損熱盛當風露卧若腫方

猪蹄雙 葫藿升 蒺藜子升

葶藶子合

黃蘗兩 地榆

小丘山房

喬氏世定刻行

千金方卷之十四
十四
右六味咬咀以水一斗五升煮取六升去滓滓適令煖便洗瘡
日再或只煮黃蘗汁洗亦佳

孫真人備急千金要方卷之七十四

